



柳田文庫
文庫11
D 295
4



文庫 11
D 295
4

續弘簡錄元史類編卷之六

神宗文庫

皇清詹事府少詹事仁和邵遠平戒山學

天王四

仁宗皇帝諱愛育黎拔力八達武宗母弟也至元二十二年三

月丙子生于儒州

通考云是夜太史奏文昌明文運將興

大德九年冬十月成宗

有疾中官秉政命帝同母元妃出居懷州所過供帳華侈悉令

撤去飭扈從毋擾民民大感悅十一年春正月成宗崩時武宗

為懷寧王總兵北邊左丞相阿忽台等潛謀推成后伯岳吾氏

稱制且欲立安西王阿難荅議未決右丞相哈剌哈孫知其謀

恐內難作急遣使迎帝帝從李孟言即日奉母元妃發懷州至

衛輝抵漳河值大風雪田叟有以孟粥進者近侍卻不受帝曰

昔漢光武為寇兵所逼嘗食豆粥麥飯大丈夫不歷辛苦庸知

續弘簡錄

卷六

仁宗

010190562951

稼穡艱難卽取食之賜叟帛行次邯鄲諭守令曰吾慮衛士不
法胥吏科歛爲民困命王傅沿途巡察二月辛亥至大都與母
元妃入哭盡哀仍出居舊邸朝夕入奠時哈刺哈孫稱疾守宮
門夜遣人啓曰懷寧王遠不能猝至恐變生不測當先事而發
三月丙寅帝率衛士入內陽召阿難荅計事至則執之且責阿
忽台等變亂祖宗家法鞠問辭伏及其黨八都馬辛賽典赤伯
顏等皆伏誅諸王濶濶出牙忽都進曰今罪人斯得太子實世
祖之孫宜早正天位帝曰王何出此言彼惡人潛結宮壺搆亂
邦家故誅之以彰國法豈欲覬望神器耶懷寧王吾兄也正位
爲宜乃遣使迎武宗于北邊五月乙丑帝與母元妃會武宗于
上都甲申武宗卽位尊元妃爲皇太后六月癸巳朔立帝爲皇
太子以安西平江吉州三路爲分地約以次傳之先是帝在

懷州深見史弊欲痛剷除之及爲太子雅重儒學遣使徵求

經籍裝潢成帙識以玉刻印章時有進大學衍義者命詹事王
約等節而譯之帝曰治天下此一書足矣命與圖象孝經列女
傳並刊行以賜臣下至大二年立尚書省詔太子兼尚書令詹
事院啓金州獻瑟瑟洞請遣使采之帝曰所寶惟賢瑟瑟何用
焉若此者後勿復聞通考作皇
慶元年事有近侍言賈人售美珠者帝曰

吾服御不喜飾珠璣以生民膏血不可輕耗也汝等常以茶儉
愛人相規詎可以奢靡蠹財相導言者慚而退淮東宣慰使撒
都獻玉觀音七寶帽頂及寶帶御之戒諭如初四年春正月庚
辰武宗崩帝入臨壬午卽罷尚書省以丞相脫虎脫樂實平章
三寶奴右丞保八參政王罷等變亂舊章流毒百姓命右丞相
塔思不花知樞密院事鐵木兒不花等參鞠並棄市其黨孛羅

鐵木兒濶里吉思烏馬兒忙哥帖木兒等杖流海南戊子罷城中都以司徒蕭珍督城工害民奪其符印還中都所占民田名

世祖朝諸老臣平章程鵬飛董士選少傅李謙少保張闡史作驢

從通右丞陳天祥尚文劉正左丞郝天挺中丞董士珍太子賓

客蕭剡參政劉敏中王思廉韓從益侍御趙君信廉訪使程鉅

夫乘傳詣闕同議庶政乙未禁百官役軍人造作及守護私第

丁酉名鐵木迭兒為右丞相完澤李孟並平章政事敕中書凡

傳旨非親奉者勿行戊戌以塔思不花為御史大夫論曰凡大

臣不法卿等劾奏毋避己亥改行尚書省為行中書省庚子停

各處營繕罷廣武康里衛萬戶等官辛丑以塔失鐵木兒知樞

密院事壬寅禁鷹坊馳逐擾民經世大典序錄云國制自御位及諸王皆有昔寶赤蓋鷹人也

及一天下又設捕獵戶俾致鮮食以薦宗廟儀天屬齒革羽毛

數不熟民困日朕不飛放且赦諸王昔寶赤皆不聽出二月定

諸職官子孫承廕試一經一史能通大義者免當傑直不通者

發還習學蒙古色目人願試者聽仍于應得品級量進一階致

仕官有子承廕者准不次銓注俾得祿養其親見典乙巳改延

慶司為都功德司罷運江南所印佛經禁宣政院違制度僧戊

申命和林江浙行省依前設左丞相餘省惟置平章二員盡罷

遙授職事辛亥禁諸王駙馬權豪擅據山場聽民樵採左遷康

里脫脫為江浙左丞相甲子太陰犯填星命李孟領國子監學

諭曰學校人材所自出卿宜數詣國學課試諸生勉其德業以

白雲宗總攝所統江南為僧之有髮者不養父母避役損民勒

還元籍罷各處僧官凡僧人訴訟悉歸有司省福建繡匠河南

魚課兩提舉司及江南行通政行宣政二院丁卯敕西僧非奉

續資治通鑑

卷六

七

仁宗

璽書驛券及無西番宣慰司文牒者勿輒至京師戒黃河津吏
驗問禁止復改仁虞院爲應坊總管府庚午定廣西靜江融州
軍民官三載無過者民官減一資軍官升一階著爲令三月庚
辰召前樞密副使吳元珪左丞烏伯都刺至京師同諸老臣議
事丙戌太陰犯太微東垣上相罷五臺行工部庚寅帝卽位
太后用陰陽家言欲帝卽位降福宮御詔曰惟昔先帝事皇太
史中丞張珪言當御大明殿帝悟從之后撫朕眇躬孝友天至由朕得託順考遺體重以母弟之嫡加
有削平內難之功踐阼曾未踰月授以皇太子寶領中書令樞
密使百揆幾務聽朕裁決于今五年先帝奄棄天下勲戚元老
咸謂太寶之承既有成命非與前聖賓天而始徵集宗親議所
宜立者比當稽周漢晉唐故事卽正宸極朕以國恤方新誠有
未忍是用經時今則上奉皇太后勉進之命下徇諸王勸戴之
勤于三月日卽皇帝位凡尚書省誤國之臣先已伏誅同惡之
徒亦皆放殛百司庶政悉歸中書從新拯治可大赦天下凡路
府州縣名山大川聖帝明王忠臣烈士載在祀典者有司開具
事蹟次第加封開國以來効節功臣所封食邑有司立祠致祭
諸衙門及近侍人員毋隔越中書奏事諸上書陳言者量加旌
擢風聞不許入告內外百司有清慎公勤政績昭著五事備具
者聽監察御史廉訪使察舉其廢公營私貪污敗檢諸人陳告
得實依律斷罪枉法贓滿者應授宣敕槩行追奪吏人犯賊終
身不叙誣告者抵罪禁獻地土山場窰冶及中寶之人以絕僥
倖商稅課程向有定制尚書併增爲額又立增酬殿年之令苟
非賸剝吾民彼將焉取今後恢辦一遵舊制於戲凡我有官君
子皆古所謂治天職食天祿者宜一心力欽乃攸同毋替朕命

見典 辛卯禁民間製銷金織金及成造金箔丁酉命月赤察兒
依前太師加鐵哥太傅曲出太保敕至大中百司改升品級悉
復至元舊制己亥寧夏地震帝諭省臣曰卿等哀集中統至元
以來條章擇曉法律老臣斟酌重輕折衷歸一頒行天下俾有
司有所遵守則抵罪者庶無冤抑又諭太府監曰財用足則可
以養萬民給軍旅自今一縉之微不言于朕毋輒與人以烏伯
都刺爲右丞李士英爲左丞察罕參知政事牀兀兒脫火赤鐵
木兒不花也速也先鐵木兒月魯鐵木兒並知樞密院事封鐵
木兒不花爲宣寧王賜大都高年昂遣宦者李邦寧釋奠于孔
子方就位大風起殿上燭盡滅燭臺底鐵鐫拔地尺許夏四月
壬寅定四宿衛士歲賜鈔二十四萬二百五錠汰漢人高麗南
人冒入者各還元籍丁未以張問爲江浙平章戒之曰以汝先

朝舊人故命汝往民爲邦本無民何以爲國汝其上體朕心下

愛斯民癸丑定路府州縣官俱三年爲滿甲寅太陰犯亢熒惑
犯壘壁陣丁巳罷中政院辛酉敕國子監師儒之職果才而賢
勿限資格雖布衣亦用癸亥罷中都留守司復置龍興路總管
府丁卯罷至大錢鈔詔曰我世祖皇帝參酌古今立中統至元
鈔法天下流行公私蒙利五十年于茲矣比者尚書省不究利
病輒意變更既創至大銀鈔又鑄大元至大銅錢鈔以倍數太
多輕重失宜錢以鼓鑄弗給新舊恣用曾未再葺其弊滋甚爰
咨廷議允協輿言皆願變通以復舊制其罷資國院及各處泉
貨監提舉司成造銅器聽民自便尚書省已發鈔本及至大銅
錢截日封貯民間行使者准赴行用庫倒換命中書省賑濟甘
肅過川軍廢僧道也里可溫答失機頭陀諸司罷通政院以所

掌站赤歸兵部帝御便殿李孟進曰陛下御極物價頓減方知
聖人神化之速帝蹙然曰卿能盡力贊襄使兆民苟安庶幾天
心克享至于秋成尚未敢必今朕踐阼曾未踰月寧有物價頓
減之理朕託卿甚重茲言非所賴也孟愧謝五月壬申以宦者
鐵昔里爲利用監卿封乳母夫楊德榮雲國公丙子敕脩武宗
實錄及累朝皇后功臣傳俾百司悉上事蹟庚辰改長信院爲
寺置祥和署掌伶人癸未太陰犯氏戊子羅鬼蠻來獻方物六
月癸卯敕宣政院凡西番軍務必移文樞密院同議乙巳命侍
臣咨訪內外才堪佐國者悉以名聞丙午授內侍楊光祖譚振
宗關居仁並弘文館學士定翰林國史院官承旨五員學士侍
讀侍講直學士各二員丁未太陰犯太微東垣上相庚戌犯氏
大同路民家產犢類麒麟車載以獻左右皆爲瑞帝曰五穀豐
熟百姓安業乃爲瑞也卻之敕諸司自事令殿中侍御史侍側
丙寅拘收泉府司元給諸商符命已巳衛王阿木哥入見帝諭
省臣曰朕與阿木哥同父而異母朕不撫育彼將誰賴其賜鈔
二萬錠他勿援例帝覽貞觀政要論侍臣曰此書有益于國家
其翻譯刊行俾蒙古人誦習之秋七月辛未朔甘州地震癸巳
太陰掩畢丁酉犯鬼距星已亥置經正監掌蒙古軍牧地帝諭
省臣曰朕前戒近侍毋輒以文記傳旨中書今敢有犯者不待
奏聞直執付法曹究治詔御史臺選老成更事者爲監察御史
閏月辛丑命祭酒劉廌請曲阜以太牢祀孔子甲辰立隆鎮衛
于居庸關已酉吐番寇禮店文州已未增國子生額爲三百人
并增陪堂生二十八通一經者以次補伴讀通考云復立國子
學試貢法蒙古人
授官六品色目人正七品漢人從七品試蒙古人
之法從寬色目生稍加密漢人則全用科場之制定軍官年七

續通志卷之六十一
五

十致仕子弟年二十以上聽承襲有詔疾引年令幼弱子弟襲職者除名不叙丙寅太陰犯軒轅黑水白水等蠻十二萬戶來降復立通政院于上都領蒙古諸驛禁醫人非選試者毋輒行醫藥九月己亥朔禁民彈射飛鳥殺馬牛羊當乳者庚戌命樞密院大閱各省軍馬壬子改元詔曰朕賴天地祖宗之靈纂承聖緒永惟治古之隆群生成遂國以乂寧朕夙興夜寐不敢怠遑任賢使能興滯補闕庶其臻茲歛時五福用敷錫厥庶民朕之志也踰年改元厥有常典其以至大五年為皇慶元年故茲詔示癸丑月金乙卯太陰犯畢遣都水監往杭州取所造龍船省臣諫止之冬十月戊辰朔繪武宗御容奉安大崇恩福元寺月四上祭辛卯罷諸王斷事官置群牧監掌典聖宮畜牧尚牧所掌太官羊立汴梁平江田賦提舉司掌大承華普慶寺費產

丙申太白犯壘壁陣十一月戊戌立乖西府隸播州以上官阿馬知府事辛亥以諸王結黨誣入不沙為不軌詔竄十里牙敦于河南因忽乃于揚州納里于湖廣太那于江西班出兀那于雲南甲寅太陰犯輿鬼己未以合散平章政事張瑄為樞密副使十二月癸酉封宣政會福院使暗普為秦國公庚辰太白經天甲申太陰犯太微西垣上將詔今歲不登春蒐勿令民供億遣官監視焚至大鈔乙未中書省言立選法憑黜陟以示激勸今官未及考或無故更代或躡等進階俗授國公丞相等職諸司已裁而權置者有之今春以來內降旨除官者千餘人其中欺偽豈能悉知壞亂選法莫此為甚帝曰自今凡內降旨一切勿行是歲增京師米肆十所日平糶糧八百石浙西水免漕糧四之一令江西湖廣補運京師

通考云遣官至江浙議以嘉興松江秋糧并江淮兩

浙財賦府歲辦糧全充海漕凡到京者三百萬有餘

皇慶元年壬子春正月庚戌封駙馬醜漢為安遠王出總北軍

癸丑太陰犯太微東垣上相改封濟王朶列納為吳王壬戌進

翰林國史院秩從一品帝曰翰林集賢儒臣朕自選用省臣毋

得擬奏人言御史臺任重朕謂國史院尤重御史臺是一時公

論國史院實萬世公論當選中外方正博洽之士居之二月丁

卯朔從大都路學周宣王石鼓于國子監辛未改安西為奉元

路吉州為吉安路和寧路龍興為興和路以和林行省

為嶺北行省壬午太陰犯亢三月丁酉朔癸亥犯東井罷諸王

大臣私第營繕己亥制以生日為天壽節壬寅太陰犯東井丁

未起塔失海牙為御史大夫置內正司及五臺寺濟民局庚申

汰控鶴軍還本籍甲子封諸王塔思不花為恩平王夏四月丙

子太白晝見壬午癸亥犯輿鬼癸未犯積屍氣封知樞密院木

刺忽為廣平王敕僧人田除世祖所賜者餘悉輸租庚寅太白

經天大崇恩福元寺成置隆禧院五月丙申朔以合散綱目作阿散

為左丞相張罔察罕並平章政事壬寅禁諸王農時出獵丁未

建涼殿于縉山縣行宮六月乙丑朔日食丁卯天雨毛己巳太

陰犯天關丁亥詔罷封贈之典時禮部集議封贈等第以非世祖所行故罷之秋七月

丙午升大司農司秩從一品帝曰農桑衣食之本汝等舉諸知

農事者用之戊午太陰犯東井八月丁卯以阿十海牙許師敬

同參知政事戊辰太白犯軒轅辛未太陰犯填星壬午辰星犯

右執法置少府監隸大都留守司乙酉太白犯右執法赦左右

勿僥倖乞加官九月丁巳太陰犯亢冬十月雲南右丞筭只兒

威有罪國師請釋之帝曰僧人宜誦佛書官事豈當與耶斥弗

仁宗

聽敕回鶴合的仍舊祈福其訴訟歸有司丁亥太陰犯平道戊子犯亢順宗成宗武宗實錄成十一月己亥太陰犯壘壁陣丙辰封駙馬脫脫木兒爲岐王雲南不農蠻渠長岑福來朝十二月癸亥平章李孟致仕以張瑄代之甲子熒惑填星辰星聚于斗甲申鷹坊總管請往河南湖廣括取珍禽帝以擾民不許戊子太陰犯熒惑遣官祈雪己丑宗王女班丹乘傳取江南田租命拘還驛券是月諸王春丹叛

二年癸丑春正月甲午命禿忽魯爲右丞相伯忽爲御史大夫封乞台普濟爲安吉王戊申太陰犯三公己未置遼陽甘肅四川雲南儒學提舉司二月壬戌改典內院爲中政院丁丑日赤如赭免徵益都饑民所貸官糧二十萬石以各寺修佛事日用羊萬頭救遵制易以蔬食辛巳詔錢糧造作訴訟等事悉歸所司以備中書之務丁亥回鶻以寶玉鬻于官帝曰朕思此物何

足爲寶唯善人爲寶善人用則百姓安誠國家所宜寶也三月

下應入三月元

文無今補之庚子熒惑犯壘壁陣丙午立皇后弘吉刺氏丁

未有星孛于東井自去秋至今不雨大都隕霜雨沙丞相禿忽魯以災變引咎帝曰事豈關汝其勿復言丙辰帝以亢旱遣官分祀諸神仍于宮中焚香默禱甘雨大注夏四月壬午置中瑞司甲申詔選賢士脩國史乙酉御史臺言富人資緣特旨濫授官爵徽政宣徽用人多罪廢之流內傳託爲貧乏互奏恩賞西僧作佛事累釋重囚外任官身犯刑章輒管內旨免罪諸王駙馬寺觀土田每歲徵租民間擾害尤甚帝命悉革其弊以烏伯都刺平章政事八剌脫因爲右丞阿卜海牙爲左丞禿魯花鐵木兒參知政事六月己未朔京師地震丙寅復震命許思敬綱

領國子學以監察御史檢察監學官考其殿最已卯定邊方遷
調官優加一等復起李孟為翰林學士承旨甲申建崇文閣于
國子監以宋儒周敦頤程頤張載邵雍司馬光朱熹張栻
呂祖謙及許衡從祀孔子廟庭河決陳毫等州秋七月己丑朔
歲星犯東井辛卯太白晝見癸巳以作佛事釋囚徒二十九人
甲午置榷茶批驗所并茶由局官乙未太白晝見庚子立長秋
寺掌武宗皇后宮政壬寅京師地震丙辰太白晝見丁巳太白
經天大方通鑑云江浙省臣以新安儒士程復心所著四書集註章圖纂釋米上監權用之辭不出改淮西三路隸河南省八月戊午朔太白晝見崇明州海溢壬戌歲星犯東井庚午以薛岳敬參知政事壬午太陰犯輿鬼九月癸巳以完澤知樞密院事封御史大夫脫歡為安定王茂申建銀山寺于鎮江勿徙寺旁瑩冢京師大旱帝問州災之道翰林學士程鉅夫舉湯禱桑林事以對帝曰此實朕之責也赤子何罪冬

十月己卯封布荅茂里為安德王癸未復置蒙陰縣隸莒州十一月元本亦無月分甲辰始行科舉詔曰惟我祖宗以神武定天下世

祖皇帝設官分職徵用儒雅崇學校為育材之地議科舉為取士之方規模宏遠朕以眇躬獲承丕祚繼志述事祖訓是式若稽三代以來取士各有科目要其本末舉人宜以德行為首試藝則以經術為先詞章次之浮華過實朕所不取爰命中書參酌古今定其條制期以皇慶三年八月天下郡縣與其賢者能者充貢有司次年二月會試京師中選者朕將親策焉典章云蒙古色目人與漢人南人各命題蒙古色目人題試漢人南人科目中選者加一等並命試處所存行省者十一日河南陝西遼陽四川甘肅雲南嶺北行東江浙江西湖南廣宣慰司者二日河東山東直隸省即路分者四日真定東平大都上都十二日月辛酉西域人可里馬丁上所編萬年曆海都篤哇屬戶內附

敕所在給衣糧是歲保定真定河間民流亡不止命有司給糧
兩月仍免今歲田租

延祐元年甲寅春正月丁亥以劉正平章政事商議中書省事

高昉參知政事此用漢人而政之始前此漢人不庚子救各省

平章專意訪求遺逸荷得其人先以名聞而後致之丁未改元

赦天下詔曰惟天惟祖宗春祐有國朕自卽位于今四年比者

陰陽失調星華示儆豈朕躬修德之未至耶抑官吏未選而政

令之或乖耶思回天以召和氣側身修行實切深衷庸勅攸司

務共乃職爰布惟新之令誕敷濟衆之仁可改皇慶三年爲延

祐元年於戲以實應天爰聿新于庶政用孚有衆同保合于天

和咨爾多方體予至意見典二月戊辰免上都大都差稅二年

癸酉熒惑犯東井甲戌以趙世延參知政事綱領國子學壬午

禿忽魯能合散進右丞相監修國史高昉改集賢學士三月壬

辰太陰掩熒惑己亥白暈亘天連環貫日暹國遣使入貢癸卯

改南劔路曰延平劔浦縣曰南平丙午封阿魯禿爲趙王禁奸

民宮其子爲閹宦謀避徭役癸丑晉寧民侯氏昆弟五人並坐

法當死帝嘆曰彼一家不幸而有是事其擇情輕者一人杖之

俾養父母毋絕其祀閏月辛酉太陰犯輿鬼罷咒僧月給俸遣

人視大都至上都駐蹕之地有侵民田者計畝給直丙寅太陰

犯太微東垣上相省瀆陽舍光二縣入英德州夏四月甲申朔

大寧路地震太常官請立北郊帝謙遜未遑議遂輟丁酉命鐵

木迭兒錄軍國重事監修國史復立回鶻國子監以其文字便

目自至元二十六年始置回國學命公卿及富民子帝以資治

皆入學肄習亦名亦思替非文字至是乃復立之通鑑載前代興亡治亂命集賢院擇其切要者譯寫以進五月

戊午辰星犯輿鬼丁卯禁諸王支屬擅取分地租賦救嶺北行
省瘞陣沒遺幣六月戊子救宦者勿得界文階封十憐吉帶

河南王輟耕錄云河南王十憐吉帶為本省丞相時一日豫申

田榮甫地贖詣府請印王留田待宴命取印至前田誤

觸墜地印朱遞王衣王色不少動歡飲竟夕又一日行郊天氣

且墮王易涼帽左右捧笠侍風吹墮石上擊碎御賜玉頂王笑

日是有數發軍增墾河南芍陂屯田乙未熒惑犯右執法秋九

也令母懼月巳巳命鐵木迭兒為右丞相合散仍左丞相罷陝西諸道行

御史臺冬十月乙未定吏人轉官以從七品為止在選者降等

注授坐贓者黥其面弛下番市船禁令江浙省給牒以往歸則

征稅如制丙申括淮民所佃閑田置沙瓜二州屯儲萬戶府庚

戌辰星犯東咸勅軍官應襲者試以武事而後任十一月乙卯

置保安軍于麻陽縣以禦猺蠻戊辰以蕭拜住為中書右丞禿

忽魯答失蠻並知樞密院事續資治通鑑綱目卷之九十四遣平章

張問經理江浙江西河南民田限四十日以所有田自實于官

撤民舍發塚墓虛張頃畝樞密副使吳元珪入見極言其弊帝

命仍遵舊制十二月壬午禁諸王權勢之人增價鬻鹽壬辰定

官民車服等第惟蒙古及怯薛諸色人不禁亦不許服龍鳳文

甲午太陰犯輿鬼庚子浚揚州淮安運河復起李孟平章政事

以齊履謙為國子司業癸卯太陰犯房甲辰犯天江是歲地震

冀寧汴梁及武安涉縣壞官民廬舍死者三百四十人發廩糶

賑如例典章云定慶賀表箋腹裏諸路仍馳驛赴都餘皆就便

休祥極化字二年乙卯春正月乙卯歲星犯輿鬼巳未太白晝見癸亥太陰

犯軒轅丁卯犯進賢霖雨壞渾河隄沒民田發卒補之禁民

鐵乙亥遣使巡行天下分十二道問民疾苦黜陟官吏二月巳

續資治通鑑綱目

卷之九十四

七

仁宗

卯朔會試進士以中選舉人分二榜揭于省門之左右定例鄉試舉人

取三百名會試取一百名總計鄉試所取數會試三分內取一以二月一日三日五日為試期戊子太白晝見

癸巳太白經天庚子洞蠻吳千道寇辰沅丙午太白經天三月

乙卯廷試進士蒙古色日人為右榜漢人南人為左榜賜護都

杏兒張起巖等五十六人及第出身有差自是每三歲一試通考

云用趙孟頫元明善議貢試之法凡蒙古由科舉出身者授從六品色目漢人遞降一級歲貢入入上三人充部令史下四人

為各路教授丙辰太陰色赤如赭庚午加上皇太后尊號曰全德泰

寧福慶皇太后夏四月戊寅朔日食辛巳賜進士恩榮宴于翰

林院庚子太陰犯壘壁陣辛丑賜下第舉人年七十以上者從

七流官致仕六十以上者為府州教授餘並山長學正後勿為

例定諸王功臣分地以流官為達魯花赤各位所辟為副達魯

花赤乙巳立規運提點所及廣貯庫並隸壽福院五月戊申朔

復立陝西行御史臺統漢中隴北四川雲南四道為西臺其北

南行臺統建康湖東浙西海右湖北湖南廣西廣東湖北閩海

十道為南臺淮東淮西山南三道向撥同山東東西道河東山

西道燕南河北道河北河南道山北遼東道隸內臺定為二十

二道各設廉訪司辛酉太陰犯天江乙丑秦州成紀縣北山南

移至西河川明日再移平地突出土阜高者二三丈陷沒民居

遣官驗視賑恤庚午太白晝見加官者續元輝昭文館大學士

乙亥日赤如赭六月甲申太白晝見太陰犯平道河決鄭州辛

丑以濟寧益都旱戒宿衛士芻粟癸卯太白犯東井丙午辰星

犯輿鬼秋七月甲寅升陳州商水鎮為南充縣改只哈赤八刺

哈孫總管府為尚供府乙卯給阿速戶貧乏者農具于連怯烈

地屯田八月丙戌贛州蔡五九作亂陷汀州寧化縣以趙世延

續弘簡錄 卷六 七

為御史中丞命省臣自平章以下送之入臺庚子升遼陽之秦州為秦寧路增國子生百員歲貢伴讀四員立積分法月試上等者為一分中等準半分積至八分者充高等歲終試貢壬寅詔江浙行省印農桑輯要萬部頒降有司九月丁未張問以括田逼死民人下吏部鞠問詔免江浙江西河南自實田租二年減汴梁路虛增糧二十二萬石己酉太陰犯房辛酉太白犯左執法蔡五九眾潰伏誅冬十月丙子朔客星見太微垣丁丑封脫火赤為威寧郡王以郭賁參知政事鐵木兒脫知樞密院事乙未授白雲宗主沈明仁榮祿大夫佩司空印加鐵木迭兒太師十一月丙午客星變為彗犯紫微垣歷軫至壁十五宿明年二月庚寅乃滅辛未以星變赦天下甲戌封武宗子和世球為周王即明宗出鎮雲南丞相合散等以星變乞罷帝曰此朕之愆

貴卿等所致其復乃職苟政有過差勿憚于改凡可以安百姓者當悉言之庶上下交修天變可弭也是歲江南湖廣道奉使

溫迪罕言廉訪司公田多取民租詔復舊制時公田為民害而荆湖尤甚部內實

無田隨民所輸租取之戶無大小皆出公田租雖水旱不免故以為言

三年丙辰春三月辛亥加將作院使呂天麟大司徒改直沽為海津鎮甲寅命蕭拜住護送和世球之雲南置周王常侍府官屬壬申禁各省春時畋獵夏四月癸酉朔立殊祥院升印經提舉司為廣福監敕衛輝昌平守臣脩殿比于唐狄仁傑祠庚子以買閭慈刺合兒並知樞密院事趙孟頫為翰林學士承旨五月庚申以伯鐵木兒蕭拜住同平章政事阿卜海牙轉右丞郭貫為左丞不花乞捨並叅知政事庚午置遼陽金銀鐵冶提司六月乙亥封孟軻父為邾國公母為邾國宣獻夫人通考云

釋奠先聖以顏曾思孟配加封顏子克國復聖公曾子鄒國宗聖公子思沂國述聖公孟子鄒國正聖公封牀元兒

句容郡王丙子融賓柳州籍蠻叛丁丑敕大辟臨刑敢有橫加

剗割者以重罪論凡鞠囚非強盜毋加酷刑河決汴梁秋七月

乙卯封王龍鐵木兒保恩王丙寅以燕鐵木兒知樞密院事郭

貫為集賢大學士王毅為中書左丞置織佛像工匠提調所九

月庚戌升縉山為龍慶州以帝生是縣故改癸丑太白晝見已未冀寧

晉寧路地震丙寅太白經天冬十月辛未復以高昉參知政事

壬申調四川雲南軍五千人于烏蒙屯川壬午河南路地震甲

申太白犯斗庚寅敕五臺靈鷲寺置錢冶提舉司丁酉禁民有

父在者不得私貸人錢十一月壬寅遣御史監治嶺北省鈎校

錢糧半年更代乙卯改灃州路為安定軍民府周王和世疎行

至延安其臣脫忽魯及武宗舊臣教化等謀結陝西丞相阿思

罕發關中兵將分道入犯平章塔察兒襲殺阿思罕教化等事

敗和世疎逃居漠北十二月丁亥立皇子碩德八剌為皇太子

兼中書令樞密使以牀元兒知樞密院事是歲集禧院使塔失

不花集前代嘉言善行名承華事畧并繪幽風圖以進帝命置

東宮俾皇太子觀省

四年丁巳春正月大赦詔曰仰惟太祖聖訓有曰應天順人惟

以至誠久安長治宜遵正道重念列聖繼承丕祚顧予菲德懼

弗克荷比者和世疎年屬幼弱聽信憮人欲圖不軌搆亂邦家

已為陝西行省行臺管軍官等將叛賊阿思罕教化徹里哥思

等斬首以徇其同謀協從者若盡加誅朕心有所不忍宜推浩

蕩之恩開以自新之路可大赦天下倘有懼罪逃匿賊中或潛

藏民間及嘯聚山谷者詔旨到日限一百日內許令自首與免

續通志卷之六十五

本罪限外不首復罪如初於戲赦過宥罪惟期反側之安發政
施仁聿底隆平之治咨爾有衆體朕至懷見典庚子帝謂省臣
曰中書比奏百姓乏食宜加賑恤朕思民饑若此豈政有過差
以致然與向詔百司務遵世祖成憲爾等宜勉力奉行輔朕不
逮務期省刑薄賦庶使百姓可遂其生乙卯諸王脫脫駐雲南
擾害軍民以按灰代之壬戌冀寧路地震閏月丙戌以立皇太
子詔天下曰朕荷上天之鴻禧纂列聖之不緒比承皇太后慈
訓若稽世祖成憲重念國本宜早建儲親王大臣僉言允同皇
子碩德八剌位居嫡長天錫仁孝可以主神器奉宗祧已于延
祐二年十二月日授以金寶立爲皇太子因茲盛舉庸布新恩
於戲萬國以貞允屬元良之重四方共訓永垂燕翼之基凡爾
多方各宜知悉見典辛卯封別鐵木兒爲汾陽王諸王李羅爲

冀王加太常禮儀院使拜住大司徒特授近侍完者不花翰林

侍讀學士同修國史三月丁卯朔升靖州爲路乙酉太陰犯箕
夏四月不雨時帝在御久猶居東宮嘗夜坐謂侍臣曰雨暘不
時奈何蕭拜住曰宰相之過也帝曰卿不在中書耶拜住惶謝
頃之帝露香默禱于天夜分大雨左右以雨衣進帝曰朕爲民
祈雨何避爲戊申荅合孫寇邊吳王朶列納敗之于和懷乙丑
翰林學士劉賡進所譯大學衍義帝曰是書議論甚嘉令頒賜
朝臣帝通達儒術兼悟釋典嘗曰明心見性佛教爲深修身治
國儒道爲切又曰儒者可尚以能維持三綱五常之道也五月
戊寅改太子衛率府爲中翊府壬午黃州真州建寧等處流民
群聚剽掠殺傷人及盜者如律餘並給糧遣歸己丑以赤因
木兒阿上海牙並平章政事乞增爲右丞高助爲左丞換住王

桂並參知政事六月乙巳太陰犯心內外監察御史共劾
相鐵木迭兒姦貪不法詔免官以合散爲右丞相已酉以烏
都刺王毅復平章政事丙辰定諸王駙馬功臣分地仍舊得白
辟達魯花赤秋七月乙亥中書平章李孟罷已丑成紀縣山崩
土石潰徙壞田廬辛卯冀寧地震帝諭省臣曰比聞蒙古諸部
困乏往往鬻子女于民爲婢僕其命有司贖之還各部立宗仁
衛總之帝出見衛士有敝衣者駐馬問之對曰戍守邊陲十五
年以故貧耳帝曰此輩久勞于外留守官未嘗以聞非朕親見
何由而知自今有類此者必言于朕命賜之錢帛八月丙申癸
惑犯輿鬼壬子太陰犯昴庚申合散奏事畢帝問曰卿等日所
行者何事對曰第奉行詔旨而已帝曰卿等何嘗奉行朕旨雖
祖宗遺訓朝廷法令皆不遵守夫法者所以辨上下定民志自

古未有法不立而天下治者使人君制法宰相能守法則民知
所畏避綱紀可正風俗可厚其或法弛民慢怨言並興欲求治
安豈可得哉合散遂言故事丞相必用蒙古勳族臣本西域人
不厭人望敢辭帝命宣徽使伯答沙爲右丞相合散仍左丞相
九月庚午太陰犯斗嶺北地震三日大都南城產嘉禾一莖十
一穗冬十月甲午朔遣王桂致祭陝西嶽瀆賑秦州被災民戊
午海外婆羅公民船漂至溫州敕江浙省資遣還國十一月己
卯省沂源縣入隴州壬辰諭諸宿衛入直各居班次非有旨不
得上殿闕入禁中者坐罪輟耕錄云有云都赤乃宿衛之至親
近者分三日一次入直帶刀立捍下
以防姦回雖宰輔奏事
無云都赤在不敢進大臣許從二人他官一人門者譏其出
入十二月丁酉復置廣州採珠都提舉司輟耕錄云廣東采
珠之人懸絙于腰沈入
海中良久得珠撼其絙船
上人挈出之葬于蛟龍之
腹者不少有司名曰烏
蛋戶仁宗登極特旨放免
至是復行乙巳

續通志卷之六

遣官卽興和路及淨州發廩賑北方流民壬子以禿滿迭兒知樞密院事是歲復置詹事院及家令府延慶司典寶監改快憐口總管府爲繕用司衛王阿木哥以罪貶高麗

五年戊午春正月甲戌懿州地震乙酉敕諸王位下民在大都者與平民均役丁亥以買住爲大司農爵魯國公二月癸巳朔

日食和寧路地震封諸王禿滿鐵木兒爲武平王丁未建鹿頂殿于文德殿後甲寅置寧昌府敕上都諸寺商貨並輸稅三月

戊辰改靜安路爲德寧路縣爲德寧縣勅書金字藏經共糜金三千九百兩夏四月庚戌免懷孟河南南陽民所輸陝西鹽課

時解州鹽池爲水堞命懷孟等處食陝西紅鹽後以地遠改食滄鹽而車輪課陝西至是始免轉海漕糧十萬石于遼陽以賑貧民甲寅以干盧史作奴今從志史弼等章政事敬

繼參知政事五月辛酉朔以亦列赤爲中書右丞平從作丞去 遣王毅崇星于司天臺三晝夜壬申御史言比年名爵皆

濫太尉司徒國公接跡于朝禮部鑄三公印二十有六此輩無功家國乞賜裁罷詔以門閥勳業素著者存留一二餘並革去

已卯德慶路地震六月辛卯從御史臺言罷張閻等經理民田虛增糧數止如舊輸稅癸巳加典瑞院使幹赤集賢大學士大

司徒秋七月己未朔諸王不里牙敦之叛諸王也舍失列百及衛士朶帶伯都坐持兩端詔流也舍江西失列吉湖廣朶帶衛

州伯都潭州戊子省翁源縣入曲江加封楚三閭大夫屈原忠節清烈公九月癸亥大司農買住進司農丞苗好謙所撰栽桑

圖說帝曰農桑衣食之本此圖甚善命刊印散之民間松雪齋集云上御嘉禧殿覽所進農桑圖問作詩者何人對曰翰林承旨趙孟

頊類作圖者何人對曰諸色人匠提舉楊叔謙上嘉賞久之人賜文綺丁卯以亦列赤平章政事高昉爲右丞換住爲左丞燕只

千參知政事壬午敕軍官犯罪聽樞密院議擬行省母擅決遣
丁亥復立行宣政院于杭州置大承福寺都總管府改中翊府
為羽林親軍都指揮司統軍萬人隸東宮冬十一月壬戌增置
大都南北兩兵馬指揮使色目漢人各二員丁卯追奪建康富
民王訓等白身濫受宣敕丙子詔唐陸淳著春秋纂例辨疑微
旨三書有益後學令江西行省鉸梓以廣其傳癸未定江西茶
課以二十五萬錠為額初世祖時置榷茶都轉運司于江州總
課法歲額二十九萬錠至是從江西茶法忽魯丁言立榷引增
之產不能充其半皆建敷于大承福寺奉安順宗御容十二月
壬辰特授集賢大學士脫列大司徒辛亥置重慶路江津巴縣
屯田省成都歲漕米萬二千石是歲秦州秦安縣鞏昌隴西學
遠二縣皆山崩

六年己未春正月丁卯定邊遠軍官致仕還家者許給驛如民
官例戊寅太陰犯心巳卯廣東南恩州獍賊龍郎庚等為寇帝
御嘉禧殿謂太宗正買問曰人命所繫至重其詳闕獄辭事無
大小必謀諸同僚疑不能決者與省臺官集議然後以聞又顧
謂侍臣曰卿等以朕居位為安邪朕惟太祖創業艱難世祖混
一疆宇兢業守成恒懼不能當天心繼祖武使萬方樂得其所
朕念慮在茲卿等固不知也二月丁亥朔日食改釋奠于中丁
祀社稷于中戊典章云釋奠用大成樂令各路府選習
古樂師教肄生徒不得仍用俳優歌曲丁酉雲
南閣里愛俄永昌蒲蠻阿八刺等並為寇戊戌改陝西轉運鹽
司為河東陝西都轉運司直隸省部巳亥太陰犯靈臺三月辛
酉命禿合為御史大夫帝曰此任至重以卿勳舊之裔故特
授汝當思乃祖乃父忠勤王室仍以古名臣為法否則將墜汝

家聲矣巳巳太陰犯明堂敕諸王駙馬宗嗣諸事依舊制領於

內八府官勿徑移文中書元制有內八府官掌諸王朝覲等事其貴似作中其近似門下故亦號宰

相然特寵之以名耳較耕錄云內八府宰相八員秩二品而不

其掌院之公事亦不得與例以國威勳貴子弟充之癸酉太陰

犯日星甲戌犯心改懷孟路為懷慶封諸王月魯鐵木兒為恩

王夏四月壬辰定土官病故子姪兄弟皆准承襲無則從本俗

許以妻承夫職丙申令京官各運糧輸上都賑蒙古饑民庚子

復起鐵木迭兒為太子太師御史中丞趙世延論其不法數十

事帝以太后故不聽左遷世延為四川行省平章典章云凡父

大葬者兄弟不得先分貲財五月辛酉太陰犯靈臺丁卯

犯房丙子犯壘壁陣六月戊子改繕珍司為徽儀司升莊浪經

檢司為縣巳亥歲星犯東咸辛丑置河南山賦總管府置

附戊申置勇敢署以角觥者隸之秋七月壬戌太陰犯心承安

土官岑世典叛據唐興州降詔招諭之甲戌皇姊大長公主祥

哥刺吉作佛事釋全寧府重囚二十七人帝怒命按問全寧守

臣阿從不法仍追所釋囚還獄給朔方蒙古民驅馬牛羊俾牧

養蕃息以自贖丙子太白犯太微垣右執法八月甲中以欽察

張思明並參知政事乙酉熒惑犯輿鬼閏月丙辰辰星犯太微

垣右執法癸亥熒惑犯軒轅甲子太陰犯壘壁陣乙亥太白犯

東咸九月戊戌省永興縣入奉聖州置雲南縣隸雲內州以故

昌州寶山縣置寶昌州隸興和路敕諸司有受命不之官及避

繁劇託故去職者奪其宣敕癸卯浚鎮江練湖今十月乙卯白

雲宗總攝沈明仁強奪民田二萬頃誑誘愚俗十萬人帝稔知

其奸下所司嚴鞠辛酉以鐵木兒不花為御史大夫癸亥熒惑

其奸下所司嚴鞠辛酉以鐵木兒不花為御史大夫癸亥熒惑

犯太微垣左執法乙丑太陰犯昴戊辰犯東井庚午太白晝見
 辛未太陰犯軒轅十一月辛卯焚惑犯進賢庚子禁民匿蒙古
 軍亡奴帝諭臺臣曰有國者以民為本此間百姓疾苦卿寬者
 眾其令監察御史廉訪使審察以聞十二月壬戌命皇太子參
 決國政追封宋儒周惇頤為道國公通考云封惇頤為道國公丙寅太
 陰犯軒轅壬申犯心以虞集為翰林待制帝謂左右曰凡在儒
 臣悉皆優用特虞伯生未顯擢耳癸酉夜風雪甚寒帝謂侍臣
 曰朕與卿等居暖室宗戚昆弟遠戍邊陲曷勝其苦歲賜財帛
 可不徧及耶敕上大都冬夏設食于路以食饑者是歲伏羌
 縣山崩揚州火燬官民解舍二萬三千三百餘區

七年庚申春正月辛巳朔日食帝齋居損膳輟朝賀辛卯白雲
 宗沈明仁擅度僧四千八百餘人獲鈔四萬餘錠既辭伏復遣
 其徒沈崇勝潛赴京師行賄事覺詔逮赴江浙併治其罪乙未
 太陰犯明堂上星己亥帝不豫辛丑崩于光天宮壽三十六癸
 卯葬起輦谷五月乙未加上尊諡曰聖文欽孝皇帝廟號仁宗
 國語曰普顏篤皇帝八月丙辰祔于太廟

冊曰立極電掃稗政悉除設科職獵屏言利徒澹然無欲
 十年罔渝是惟令主信史川書

皇清詹事府少詹事仁和邵遠平戒山學

天王五

英宗皇帝諱碩德八剌仁宗嫡子也母莊懿慈聖皇后弘吉刺氏以大德七年二月甲子生武宗卽位立仁宗爲皇太子約以次傳已子和世琰武宗崩仁宗立延祐初議立太子丞相鐵木迭兒請立帝帝入謁太后固辭曰臣幼無能且有兄和世琰在宜立太后不許遂立爲皇太子百司庶務令先啟後聞帝謂省臣曰至尊委我以天下事日夜寅畏惟恐弗堪卿等當洗心滌慮恪勤乃職勿有隳壞以貽君父憂七年春正月戊戌仁宗不豫帝憂形于色夜則焚香泣曰至尊以仁慈御天下庶績順成四海清晏今天降大厲不如罰殛我身使至尊永爲民主辛丑

仁宗崩帝哀毀過禮素服寢地上日歎一粥癸卯太陰犯井甲辰鐵木迭兒以太后命拜右丞相二月壬子罷造永福寺召江浙左丞相黑驢平章中書省事戊午祭社稷每歲二仲月仍以戊舉祭辛酉太陰犯軒轅御女壬戌犯靈臺甲子從鐵木迭兒言逮四川平章趙世延赴京中書叅議乞失監坐鬻官罪當杖太后欲笞之帝曰法者天下之公徇私而輕重之不可以示天下卒正其罪丙寅以趙世榮爲中書平章政事木八剌爲右丞張思明爲左丞丁卯太陰犯日星白雲總攝沈明仁以不法正罪籍江南冒白雲僧者爲民定京城環衛更番法准五衛漢軍歲例庚午太陰犯斗癸酉括崇祥院地冒以官地獻者追其直民地獻者歸其主丁丑鐵木迭兒奪前平章李孟所受泰國公制命什其先墓碑又矯太后旨殺前御史中丞楊朵兒只平章蕭拜生並籍其家戊寅徽政院使失列門傳太后命請更朝官帝曰此豈除官時耶且先帝舊臣不宜輕改俟予卽位後議于宗親元老賢者任之邪者黜之可也司農卿完者不花請奪先帝所賜諸臣土田帝問賜者爲誰對曰左丞相合散所得爲多帝曰予嘗諭卿等當以公心輔弼卿在先朝嘗請海船之稅以合散奏而止今所言乃復私憾非公議也豈輔弼之道耶遂出之爲湖南宣慰使癸未奪西僧所授司徒國公制並銷其印三月戊子太陰犯酒旗上星熒惑犯進賢微諸王駙馬流竄者各還分邑庚寅帝卽位詔曰洪惟太祖皇帝膺期撫運肇開帝業世祖皇帝神機睿畧統一四海以聖繼聖迨我先皇至仁厚德涵濡群生君臨萬國十年于茲以社稷之遠圖定天下之大本協謀宗親授予冊寶方春宮之與政遽昭考之賓天諸王貴

成元勳碩輔咸謂朕宜體先帝付託之重膺皇太后擁護之慈
既深繫于人心詎可虛于神器合辭勸進誠意交孚乃于三月
日卽皇帝位誕受維新之命庸推在宥之恩可大赦天下於戲
尚念祖宗丕緒持守維艱萬幾之繁罔敢暇逸更賴遠近宗戚
左右臣隣咸一乃心共輔予治詔免被災州郡絲銀五分江淮
夏稅三分差發稅糧逋欠在民者普與蠲免各處站赤毋得泛
濫給驛陣亡官軍常例存恤外再展一年兩廣雲南哨聚徒衆
許赴官自首槩從寬宥其科舉貢試法並如舊制尊太后爲太
皇太后詔曰爲治之端無加于立孝報本之義莫大乎尊親朕
肇繼丕圖恪遵彝典欽惟皇太后仁明淵靜淑睿懿恭定大策
于兩朝功施社稷著徽音于四海慶衍本支夙荷保慈撫予眇
質思仰酌夫厚德宜首進以降名謹上尊稱曰太皇太后

行典禮

論以開

是夜

太陰犯

明堂

壬辰

收

群臣

趨

授散官者朝會毋越班次乙未日有暈若連環韓羅思內附賜
鈔萬貫戊戌罷醫士工匠任子定吏員秩止從七品如前制辛
丑詔樞密院兼領左右衛率府左遷李孟爲集賢侍講學士夏
四月命造至元鈔五千萬貫中統鈔二百五十萬貫詔曰朕惟
食貨生民之本權以泉幣貴在適時昔我世祖皇帝所立中統
鈔廢罷雖久民間物價每以爲準有司依舊印造與至元鈔子
母並行凡官司出納百姓交易並計中統鈔數前尚書省所發
新舊銅錢與民間宿藏者所在充溢雖疇零使用亦便于民然
壅害鈔法深妨國計其至大銅錢詔書到日立赴各行用鈔庫
依例倒換無致虧損歷代舊錢有司所發者與百姓宿藏既不
可辨令截日住罷至權禁金銀本以權衡鈔法條令雖設其價

益增民實弗便自今權宜開禁聽從買賣若商舶私帶下番者
依例科斷於戲昧遠圖而依近利詎能稱物之平仍舊貫而作
新民式正守成之道故茲詔示想宜知悉見典章庚戌罷行通政
院及少府監回鶻國子學省崇祥院入民匠總管府隸將作院
甲寅太白犯填星巳未祭遁甲神于香山遣平章王毅右丞高
昉徵理在京錢粟虧耗者七十八萬石及諸路歲貢幣稍紕繆
者俱責償所司庚申降百官越階者並依所授之職以拜住平
章政事壬戌太陰犯房乙丑仁宗喪卒哭作佛事七日封王煦
爲雞林郡公戊辰議仁宗祠廟中書集議曰古者天子祭七代
兄弟同爲一代今太廟七室皆有神主增室不及暫依前代故
事結綵爲幃殿于太室東南安奉神主制可巳巳罷市舶司禁
賈人下番貿易增兩淮荆湖江南東西道田賦斗加二升回鶻
散居郡縣者歲輸包銀二兩戊寅有獻七寶帶者因近臣以進
帝曰朕初登大位不聞汝等薦賢而爲人進帶是以利誘也其
還之五月巳卯復置稱海五條河屯田權廣東番貨庚辰上都
留守賀勝賜名賀伯顏坐便服迎詔棄市巳丑敕中書省有內降旨
除拜濫賜名爵者聽覆奏乃行左遷左丞相合散爲嶺北平章
命拜住爲左丞相塔失海牙平章政事只兒哈郎參知政事庚
寅太陰犯心壬辰和林民鬪海壑殍死者三千餘人詔旌其門
癸巳太陰犯天狗乙未加上大行皇帝尊諡冊曰觀其諡而知
其德著王者之不稱禮于廟而誅于郊實邦家之彝典維天地
之大莫能擬議而臣子之情宜極形容爰體至公式揚景鑠欽
惟大行皇帝聰明冠古勇智自天初大德之陟遐生內釁于不
測乃從潛邸獨運聖謨正神器于幾危定乾維而重權豐功盛

烈奮立一時偉望英聲揚溢四海尋被武皇之歷試紙于大麓
以弗迷由母弟之懿親膺元良之重寄取法裕廟主鬯之道隆
奉養東朝因心之孝至及嗣歷服益見猷爲月恒日升廓昭代
文明之治海涵春煦推聖人博愛之仁至于敦勸農桑不嗜田
獵每覆奏于庶獄必惻怛于宸衷肇設制科待天下之傑士特
旌死節勵千古之忠魂臨御十年始終一德身衛斯文而不倦
人由其道而莫知克謹持盈諒多遺美屬升崇于吉祔用祇薦
以鴻名上慰在天之靈下協造庭之請是誠剛日備舉縟儀謹
奉玉冊玉寶上尊諡曰聖文欽孝皇帝廟號仁宗伏冀睿靈俯
垂歆鑒流光有永錫美無疆

見元文類
張士觀撰

丙申太白犯畢有告前

丞相合散平章黑驢御史大夫脫忒哈徽政使失列門等與故
妻東未妻亦烈失八共謀廢立者拜住請鞫狀帝曰彼若借太

皇太后爲詞奈何竟不問悉誅之頒示天下詔曰朕肇登大寶

祇遜先猷仍圖任于舊人庶共新于治效豈期邪黨輒蘊私心
邇者合散黑驢脫忒哈失列門亦烈失八等潛結詭謀撓亂國
政既自作于弗靖固難追于嚴誅賀勝輕侮詔書殊乖臣禮不
加懲創曷示等威今已各正國法籍沒其家於戲惟邦國之用
刑以清群慝俾人臣之知戒勿蹈匪彝咨爾有衆體朕至懷

見
典

章辛丑以鐵木兒脫平章政事壬寅罷僧道工伶濫爵及建寺
參獸費六月甲寅省徽政院及宮正章慶延福三司停廣東採
珠丁巳以康里脫脫爲御史大夫欽察鐵木兒不花並知樞密
院事庚申太陰犯斗賜角觝者百二十人鈔各千貫女巫伯牙
台鈔萬貫壬戌敕諸使至京者大事五日小事三日速遣還是
夜月食既癸亥太陰犯壘壁陣乙丑新作太祖帳殿修寧夏欽

察魯佛事給鈔二百一十二萬貫丁卯太白犯井辛未太陰犯
 昂丁丑改紅城中都威衛為忠翊侍衛親軍都指揮司復徽儀
 司為繕珍司秋七月壬午立普定路屯田運和寧糧于札昆倉
 以便邊軍甲申車駕將幸上都調左右翼軍赴北邊浚井丁亥
 太陰犯斗丙申初製袞冕戊戌熒惑犯房救中外希賞自請者
 勿予己亥太陰犯昂庚子以廉恂平章政事癸卯賜伶人鈔二
 萬五千貫酒人鈔十五萬貫回鶻太醫進藥曰打里牙給鈔萬
 貫八月丁未朔嶺北省臣忻都以官錢犒軍坐免詔復其職丙
 辰禱仁宗皇帝莊懿慈聖皇后于太廟通考云仁宗廟命廟
 正劉瓊等編運酌獻樂
 譜舞節翰林撰樂章曲曰歆成之曲按仁宗皇后本傳作至
 治二年崩禱廟又有英宗即位尊為皇太后之交而本紀載此
 未知孰是太白犯靈臺乙丑熒惑犯天江丁卯太白犯太微垣右執
 法鐵木迭只以私憾請殺趙世延不許帝幸涼亭謂近侍曰朕
 素聞世延忠良故每奏不納左右咸稱萬歲宮人官奴坐安用

日者請太皇太后榮星杖之壬申太陰犯軒轅御女九月甲申
 建壽安山佛寺給鈔千萬貫命拜住董其役禁五臺山樵採乙
 酉太陰犯壘壁陣丙戌熒惑犯斗壬辰土番利族阿俄等五種
 寇成谷溪蠻秦元吉寇循州癸巳太陰犯昂戊戌犯鬼己亥太
 白犯亢以廩藏不充停諸王所部歲給甲辰雲南木邦路土官
 給邦酉陽土官冉世昌各遣子入貢遣使占城真臘龍牙門索
 馴象冬十月庚戌太陰犯熒惑干斗辛亥犯井酉陽聳儂洞蠻
 田謀遠為寇戊午帝諭太常禮儀院曰朕將以四時躬祀太室
 宜與群臣集議典禮此追遠報本之道毋以朕勞于對越而有
 所損其悉遵古禮以行癸亥太陰犯井丁卯為皇后作鹿頂殿
 于上都癸酉流諸王阿剌鐵木兒于雲南十一月丙子朔帝御

齋宮丁丑恭謝太廟備法駕至櫺星門駕止有司進輦不御步
至大次服袞冕禮儀使請署祝帝正立書名及讀祝命高贊御
名至仁宗室歆歔流涕左右莫不感動庚辰省永平之灤邑縣
入石城禁京城諸寺邸舍匿商稅辛巳以親享太廟禮成受朝
賀甲申赦修仁宗實錄及后妃功臣傳戊戌交趾蠻儂志德寇
脫零那乞等六洞癸卯熒惑犯壘壁陣甲辰計京官俸鈔給米
三分遣使閱實各省戍兵十二月乙巳朔以改元赦天下詔曰
朕祇適貽謀獲承丕緒念付託之惟重顧繼述之敢忘爰以延
祐七年十一月二日被服袞冕恭謝于太廟既大禮之告成宜
普天之均慶屬茲踰歲用易紀元予以導天地之至和發春秋
之謹始可以明年爲至治元年減天下租賦二分包銀五分大
都上都興和三路差稅全免三年優復煮鹽煉鐵運糧等戶二
年開燕南山東河泊禁聽民採取命官家屬流落邊遠者有司
資給遣歸其子女典鬻于人者聽還其家監察御史廉訪使歲
舉可任守令者二人七品以上官有偉畫長策可濟世安民者
實封來上士有隱居行義不求聞達者有司具名以聞於戲奉
先思孝式昭報本之誠發政施仁聿底錫民之福咨爾有衆體
予至懷丁未播州蠻蠻的羊籠等來降癸丑以天壽節預修醮
于龍虎山乙卯加上儀天興聖慈仁昭懿壽元全德泰寧福慶
太皇太后尊號禮成詔曰朕惟聖人之德宜先報本孝子之至
莫大尊親式仰燕謀聿修鉅典欽惟太皇太后仁符乾運靜體
坤元鴻功擁護于三朝懿範儀型于四國非崇徽號曷稱予衷
已奉冊寶加上尊號曰徽文崇祐太皇太后於戲慶禮備成不
正彝倫之敘綸音誕布庸新孝治之風咨爾多方體予至意

章是夜太陰掩昴翰林學士譚進大學衍義帝曰修身治國無

踰此書命刊本頒賜群臣河南饑帝問其故群臣皆莫對帝曰

良由朕治道未洽卿等又不盡職委任非人致陰陽失和災害

薦至宜各務勤恪以應天心戊午太陰犯井庚申犯鬼乙丑榮

星于回鶻司天監四十晝夜丙寅以潤徹伯知樞密院事丁卯

敕上書言事者得直達御前勿令省臣開視如細民訴訟仍加

禁止已巳敕罷明年二月八日迎佛初世祖用帝師八思巴言

用泥金書梵字其上歲以二月啟建白傘蓋好事則遊皇

城內外云與衆生被除不祥累朝相沿為定制至是偶罷以只

兒哈郎為中書右丞薛處敬叅知政事辛未拜住進鹵簿圖帝

以唐制用萬二千三百人太多乃定大駕三千二百人法駕二

千五百人丹輝獨對云至大初會異初嘗者鹵簿圖并書武宗

太子合丞相拜住取秘書所藏異初圖書而鹵簿大典太室

江西又詔留守造五輅癸酉帝問賀勝母老憫之以所鑄

田磴還其家是歲河決汴梁原武滹沱決文安大成等縣渾河

溢壞民曰廬成紀縣暴雨山崩朽壤墳起覆殺畜產益津縣雨

黑霜害稼各蠲賑有差帝以科舉之外恐有遺賢詔曰比歲設

立科舉以取人材尚慮高尚之士踟跡丘園無從可致其有才

德超邁深明治道者所在官司具姓名俟廉訪使覆察奏聞以

備錄用見宋元通鑑

至治元年辛酉春正月丙戌定四孟月時享太廟帝服袞冕親

祭以左丞相拜住亞獻知樞密院事潤徹伯終獻禮成坐大次

謂群臣曰一歲惟四祀若使人代不能致如在之誠實所未安

歲必親祀以終朕身通考云禮社稷亦如之廷臣以祀事畢請赦帝曰恩

可常施赦不可屢下使殺人獲免則死者何辜命中書省陳便

宜事行之丁亥帝欲以元夕張燈禁中叅議省事張養浩上書諫遽命罷之曰有臣若此朕復何憂自今朕凡有過豈獨臺臣當言人皆得言賜養浩金帛乙未太陰掩房甲辰辰星犯外屏水金火土四星聚奎二月巳酉作仁宗神御殿于普慶寺遣近臣卽趙孟頫家俾書孝經壬子夜金火土三星復聚奎丁巳監察御史觀音保鎖咬兒哈的迷失成珪李謙亨諫造壽安山佛寺帝怒殺觀音保鎖咬兒杖珪謙亨竄之奴兒干地辛酉太白犯熒惑癸亥太陰犯心甲子置承徽寺割宜興民四萬戶隸之丁卯禁越省臺訴事三月丁丑太陰掩昂辛巳賜西番撒思加地僧金銀數千兩袈裟二萬襲遣呪師桑兒只往牙濟班十二國取佛經癸未製御服珠袈裟寶集寺金書西番波若經成置大內香殿巳丑大同路麒麟生辛丑以鐵尖為御史大夫鐵木也義子領忠翊侍衛親軍都指揮使夏四月戊午太陰犯心庚申

犯斗造象駕金脊殿戊辰命宦者李羅台為太常署令太常官言刑人難與大祭遂止五月戊寅太白犯鬼積尸氣太陰犯軒轅庚辰犯明堂毀上都回鶻寺壬午從鐵木迭兒言遷武宗子圖帖穆爾于瓊州即文宗禁日者毋交通諸王駙馬掌陰陽五科者毋泄占候辛卯作行殿于縉山流杯池乙未命世家子弟成童者入國學辛丑太常禮儀院進太廟制圖以今殿為寢別作前殿十五間中三間通為一室奉太祖神主餘以次為室期于來歲營之六月癸卯朔日食作金浮屠于上都藏佛舍利巳未太陰犯虛梁辛酉太白經天趙弘祚等以言事勒歸禁妄言時政乙丑遣使往銓江浙江西湖廣四川雲南五省邊郡官選巳巳以只兒哈郎平章政事秋七月辛巳蓋屋僧圓明邵陽道士劉志先以妖術作亂遣樞密判官章台督兵

捕誅之禁僧道度牒符籙癸巳太陰犯昴巳亥奉仁宗及帝御
 容於大聖壽萬安寺八月丁未太陰犯心巳酉犯斗壬子熒惑
 犯軒轅壬戌車駕自上都還駐蹕興和左右以寒甚請早還帝
 曰兵以牛馬為先民以稼穡為本朕遲留不行者蓋欲馬得芻
 牧民得刈穫一舉兩得何計乎寒敕翰林集賢官年七十者毋
 致仕九月乙亥熒惑犯靈臺壬午犯太微西垣上將丁酉犯右
 執法冬十月丙午史誤作甲午太白經天戊申熒惑犯太微垣左執
 法癸丑以內郡水罷不急工役敕蒙古子女鬻于回鶻漢人奴
 者官為收養禁中書掾曹母泄機事巳巳遣燕鐵木兒巡邊十
 一月辛未熒惑犯進賢乙亥史誤作巳亥幸大護國仁王寺丙子太
 陰犯虛梁戊寅群臣上尊號曰繼天體道敬文仁武大昭孝皇
 帝是夜辰星犯房辛巳命鐵失領左右阿速衛軍丙戌太陰犯

井巳丑犯酒旗又犯軒轅辛卯犯明堂癸巳以營田司徵酒稅
 擾民命有司兼權巳亥太白犯西咸十二月辛丑立皇后亦啟
 烈氏遣右丞相鐵木迭兒持節授玉册玉寶甲辰熒惑犯亢戊
 申帝以受尊號躬謝太廟行一獻禮賜與祭者帛普減內外官
 吏一資庚戌太陰犯昴巳未幸西僧灌頂寺封峻南藏十為白
 蘭王辛酉熒惑入氏甲子命帝師詣西番受具足戒賜金千兩
 銀四千兩幣鈔各鉅萬乙丑治銅五十萬斤作壽安山寺佛像
 置中瑞司領之是歲河南安豐江州水賑粟九萬八千石鈔二
 萬五千貫霸州渾河溢被災民二萬三千三百戶雷州海溢壞
 民田四千餘頃各免其租

二年壬戌春正月甲戌禁漢人持兵器出獵及習武藝丁丑帝
 親享太廟始陳鹵簿賜導駕耆老帛是夜太陰犯昴戊寅敕有

司存卹孔氏子孫庚辰太白犯建星辛巳敕臺憲用人勿拘資

格癸未建行殿于柳林封塔察兒為蘭國公辛卯太陰犯心甲

午熒惑犯房丁酉太白犯牛二月巳亥朔熒惑犯鍵閉星通考云日

食節自朔至望禁屠宰庚子罷上都歇山殿工辛丑以欽察買驢

並為中書平章政事王居仁參知政事丙午熒惑犯罰星戊申

太陰犯井庚戌熒惑犯東咸辛亥太陰犯酒旗及軒轅壬子太

白犯壘壁陣癸丑太陰犯明堂新作流杯池行殿通考云委嘉湖二路體究

太湖入海故道疏濬之乙卯西僧亦思刺蠻展普有疾釋罪囚巳未太陰

犯天江壬戌太白犯壘壁陣廣海郡邑曠官敕願仕者升秩二

等三月巳巳令廉恂張養浩字术魯神董理國學外郡學校命

御史臺翰林院國子監同議與舉敕四宿衛興聖宮及諸王部

勿用南人辛未禁捕鴛鴦違者籍其家放京師營繕役卒四

餘人丁亥復置市舶司于泉州慶元廣東三路禁子女金銀絲

帛下番巳丑有暈貫日如連環給宗仁衛蒙古子女衣糧丁酉

駙馬許納之子速怯訴父謀叛母私從人帝曰入子事親有隱

無犯今有過不諫乃復告訐命速誅之夏五月巳巳修滹沱河

堤丙子熒惑退犯東咸庚辰置營于永平收養蒙古子女四方

藏匿者加罪甲申以只兒哈郎為御史大夫置宗仁蒙古侍衛

親軍都指揮司以馬刺為使戊子禁民間集眾祈神并白蓮佛

事閏月戊戌封諸葛忠武侯為威烈忠武顯靈仁濟王戊申以

鐵木迭兒子班丹知樞密院事壬子詐紫檀殿王逢文集云至治間燕人史驪

兒善琵琶蒙上愛幸上使酒無敢諫者一日御紫檀殿飲驪兒

歌殿前歡曲有酒神仙之句上怒叱左右殺之後悔曰驪以酒

諷我六月丁卯朔駕幸五臺山戒衛士毋踐民禾壬申熒惑犯

心癸酉禁日者妄譚天象修渾河堤秋七月巳亥熒惑犯天江

壬子遣親王閣閣禿總兵北邊封武寧王戊午太陰犯井宿越
星車駕次應州曲赦金城縣囚徒左丞張思明坐罪杖免籍其
家錄諸役軍匠病者千餘人各賜鈔遣還八月甲戌次奉聖州
詔畫蠶麥圖于鹿頂殿壁帝曰以時觀之可知民事帝御鹿頂
殿謂拜住曰朕以幼冲嗣承大業玉食錦衣何求不得惟念祖
宗櫛風沐雨戡定萬方曾有此樂耶卿元勳之裔當體朕懷毋
忝爾祖拜住謝曰創業惟艱守成不易陛下思及此億兆之福
也庚寅鐵木迭兒死九月通考云朔日食辛亥幸壽安山寺賜監役官
鈔人五千貫丙辰太皇太后崩己未太陰犯明堂庚申停今年
冬祀南郊癸亥地震帝減膳徹樂近臣有進觴者帝曰朕方修
德不暇汝反爲是諂耶斥出之因戒近臣曰汝等居官食祿當
勉力圖報苟或貧乏朕不惜賜予若所爲非法則必刑無赦冬

十月戊辰享太廟以國哀迎香去樂修廟工役未畢妨陳宮懸
止用登歌丙子押濟思國遣使來貢南臺御史大夫脫脫請告
未得旨輒去杖謫雲南庚辰太陰犯井建太祖神御殿于興教
寺己丑熒惑犯壘壁陣命拜住爲右丞相罷左相弗置獨任以
政十一月甲午朔日食以立右丞相詔天下曰帝王之職在論
相于以表正百司綱領庶績朕繼承丕緒厲精圖治然而澤有
所未洽政有所未舉豈委任之道有遺闕與今特命中書左丞
相拜住爲右丞相監修國史一新機務使邪正異途海寓又寧
以復中統至元之治於戲朝廷既正著端本澄源之功風俗斯
醇廣摩義漸仁之化見元文類袁桷撰詔流民復業者免差稅三年站
戶貧乏鬻賣妻子者官爲贖還凡差役造作先科商賈末技富
實之家以優農力御史李端言近者京師地震日月薄蝕皆臣

下失職所致帝曰是朕思慮不及致然自當修飭以謹天戒癸卯地震甲辰太白犯壘壁陣罷徽政院乙巳熒惑犯壘壁陣戊申太陰掩井從御史李端言命臣下所奏事目及上之言動悉書起居注付史館己未太陰犯東咸庚申犯天江辛酉熒惑犯歲星宣德府地屢震改八番軍民長官司二十有八爲州縣十月乙丑太白歲星熒惑聚于室太白犯壘壁陣丁卯復以張珙平章政事加司徒甲戌來安路總管岑世興葛蠻安撫使龍仁貴柔遠州洞蠻把者作亂命各行省分兵討之乙亥太陰掩井戊寅太白犯歲星庚辰以貝兒哈郎知樞密院事速速爲中書左丞馬刺叅知政事癸未以宗仁衛蒙古子女多至萬人權停收養弛河南陝西酒禁禁近侍奏取沒入官錢丙戌省雲南西沙縣入寧州己丑熒惑犯外屏太陰犯建星辛卯西僧灌頂疾請釋囚帝曰釋囚祈福豈爲爾惜朕思惡人屢赦反害善良何福之有宣徽院請增尙食羊帝不許曰天下之民皆朕所有如有不足朕當濟之若額外多取百姓必致重困食亦何益其遵世祖舊制司徒劉夔同僉宣政院事囊加台坐妄獻地上冒取官錢伏誅鐵木迭兒子宣政使八刺吉思受夔冒獻御史大夫鐵失同受賂事聞帝曰法者祖宗所制非朕得私彼雖事朕久今既有罪當論如法卽命誅之惟鐵失獲免是歲六月敕修大元聖政典章成分類六十卷又得鄱陽馬端臨所著文獻通考三百四十八卷皆鏤板以行

三年癸亥春正月癸巳朔暹國及八番洞長各來貢己亥敕行省平章政事仍賜金符兼總軍政軍官有罪重者以聞輕者就決壬寅罷上都雲州興和宣德蔚州奉聖州及雞鳴山房山黃

蘆三义諸金銀冶聽民採煉輸稅起吳元珪王約韓從益並商
議中書省事徵趙居信為翰林學士承旨吳澄為翰林直學士
是夜太陰犯鉞星癸卯犯井甲辰遣諸王忽刺出鎮雲南壬子
靜江色柳諸郡獠為寇泉州民留應總作亂命各行省遣兵捕
之征東末吉地兀者戶以貂鼠水獺海狗皮來獻詔存卹三歲
丁巳定封贈官等秩初武宗至大二年制以封贈非世祖初行
其令罷之至是詔從新分立等第正從一
品封贈三代爵國公勳正上柱國從柱國母妻並國夫人正從
二品封贈二代正從四品至從五品封贈父母母爵自郡公以
下至縣男勳自正從六品以下至飛騎尉母妻自郡夫人以下
至縣君各有差正從六品封父母止用散官母妻並宜人辛
酉定內外官不次銓用者升職勿升階出趙世延于獄凡官民
訴訟原告逃匿則釋待對者著為令二月癸亥朔定軍官襲職
嫡長子孫幼者許令諸兄弟姪代攝是夜熒惑太白填星聚于
胃丙寅仁宗實錄成遣使往西番徵畜收治郵傳皮辰天壽節
賓丹瓜哇二國來貢癸酉太白犯昴帝謂拜住曰近者地道失
寧風雨不時豈朕行事有闕與對曰地震自古有之陛下自責
固宜良由臣等失職不能燮理帝曰朕在位三載于兆姓萬物
豈無乖戾之事卿宜與百官議有便民利物者朕即行之辛巳
太陰犯東咸纂修大元通制成頒行天下一日斷例二日條格
三日詔赦凡二千五
百三十
九條丙戌雨土新造五輅成戊子史訛
作午封鷹師不花為趙國
公辛卯以太子賓客伯都廉貧賜鈔十萬貫三月壬辰朔西番
參十郎諸族叛救鎮西武靖王搠思班發兵討之戊申禘太皇
太后于順宗廟室丙辰定鑿十匠官居喪不得去職年七十不
聽致仕子孫無蔭敘能紹其業者量材錄用徵逸士瞻思至見
帝于龍虎臺帝厚遇之以養親辭歸夏四月壬戌朔令天下諸
司飯僧誦經十萬部甲戌命張珪王士熙勉勵國子監學都功

德使濶兒魯至京師釋罪囚大辟者三十一人杖者六十九人放籠禽十萬令有司償其直已卯詔行助役法遣使考視稅籍高下出田若干

畝使應役之人更掌之收其歲入以助役費官不得預五月辛卯降開成路為州增置安

慶瀛山縣雲南寧遠州慶元嶧山縣設大理路白鹽城及中慶

路榷稅官戊戌太白經天庚子大風雨雹拔柳林行宮木二千

七百株辛丑命鐵失獨署御史大夫事癸卯太陰犯房戊申監

察御史蓋繼元宋翼極言鐵木迭兒奸惡帝命毀所立碑仍追

奪官爵沒其家貴帝御大安閣見太祖世祖遺衣皆縑素木棉

重加補綴嗟歎良久謂侍臣曰祖宗創業艱難服用節儉如此

朕焉敢頃刻忘之是夜太白犯畢戊午奉元行宮正殿夾上都

利用監庫火帝曰世皇始建宮室垂數十年至朕而燬皆朕不

德所致也有欽察衛戌卒累功當賞以官帝曰名爵豈賞人之

具耶其賜鈔三千貫六月戊辰贈乳母忽秃台定襄郡夫人其

夫阿來追封定襄王諡忠愍癸酉太廟新建前殿成以東西二

間為夾室壁以紅泥南向為門命太常纂修累朝儀禮癸未填

星犯畢乙酉諸王怯伯數寇邊至是遣使來降帝曰非欲彼土

地人民但使吾民不罹邊患軍士免于勞役幸矣今既來降當

厚其賜以安之通考云江浙行省言鎮江運河全藉練湖之水為上源漕運商販舟楫無不由此前朝常濟此

湖瀦蓄潦水若運河水淺開放練湖一寸可添河水一尺乞加修治以通運制可秋七月辛卯朔減海

道歲運糧二十萬石以江南民力困極而京倉充滿故也併免江淮增科糧已酉

封諸王忽都鐵木兒為威遠王御史臺請降旨開言路帝曰言

路何嘗不開但卿等選人未當爾且中書選人署事未旬日御

史臺即改除之臺除者中書亦然今山林遺逸良多卿等不能

盡心求訪惟以親戚故舊更相汲引耶八月癸亥車駕駐南坡

續弘簡錄卷七終
御史大夫鐵失知樞密院事也先帖木兒大司農失禿兒前中書平章赤斤鐵木兒前雲南平章完者及鐵木迭兒子鎖南典瑞院使脫火赤樞密副使阿散僉書樞密事章台衛士禿滿及諸王按梯不花孛羅月魯不花曲律不花兀魯思不花等以阿速衛兵爲外應弒帝于行幄及右丞相拜住時帝年二十一從葬諸帝陵泰定元年二月加上尊諡曰睿聖文孝皇帝廟號英宗國語曰格堅皇帝五月祔于太廟

冊曰三載承乾庶務銳始大饗躬親致哀盡禮剛過鮮終肘腋禍起不察幾先勵精徒爾

續弘簡錄卷七終

續弘簡錄元史類編卷之八

皇清詹事府少詹事仁和邵遠平戒山學

天王六

泰定皇帝諱也孫鐵木兒世祖嫡曾孫晉王甘麻刺長子英宗叔也初太子真金生三子長曰甘麻刺次曰答刺麻八剌三即成宗答刺麻八剌先薨世祖封甘麻刺爲晉王出鎮北邊至元十三年十月二十九日生帝于晉邸世祖崩甘麻刺奔赴上都諸王大臣皆以晉王爲冢孫義當立甘麻刺乃遜位于弟而自願歸藩成宗之得立由晉王之讓也大德六年晉王薨帝襲封仍鎮北邊武仁二帝之立咸與翊戴有盟書賜南康路六萬五千戶爲食邑英宗卽位告饑賑鈔百萬貫後遣使以地七千頃歸朝廷請有司徵租歲給糧鈔執藩臣禮甚謹先是王府內兒

倒刺沙得幸于帝仁宗朝以其子哈散事丞相拜住得入宿衛
偵伺中朝事久之脫歸知御史大夫鐵失與拜住意相忤欲傾
之亂且作以其故告帝至治三年宣徽使探忒來王邸與倒刺
沙言主上將不利于晉王由是二人深相要結八月二日帝獵
於禿刺之地鐵失密遣幹羅思來告曰我與哈散也先鐵木兒
失禿兒章台謀已定事成當推王爲帝又以告倒刺沙且言惟
汝與馬速忽知之勿令旭邁傑得聞也于是帝大驚命囚幹羅
思遣使赴上都以逆謀告未至而難作諸王按梯不花淇陽王
也先鐵木兒奉皇帝璽綬來迎九月癸巳帝卽位于龍居河頒
蒙古詔赦天下以也先鐵木兒爲右丞相倒刺沙平章政事乃
馬台爲右丞善僧爲左丞鐵失撒的迷失完澤馬某沙直知樞
密院事馬速忽章台同知樞密院事禿滿同僉樞密院事孛羅
爲宣徽院使旭邁傑爲宣政院使阿散爲御史中丞失禿兒爲
大司農蓋雜用新舊以安反側己亥諭銓選一歸中書惟樞密
院御史臺宣政宣徽二院得自擬奏辛丑召諸王官屬流竄邊
遠者還本部冬十月甲子遣鐵失赤斤鐵木兒等詣大都以卽
位告天地宗廟社稷輟耕錄云晉邸入繼大統告祭太廟之諸
頃陰風北來殿上燈燭皆滅良久方止諸
王買奴進曰不誅元凶則陛下善名不著天下後世何從而知
非與聞其故乎帝然其言誅逆賊也先鐵木兒完者禿滿及鐵
失弟鎖南等于行在所命旭邁傑爲右丞相召陝西左丞相禿
魯通政院使紐澤並爲御史大夫遣旭邁傑至大都收鐵失及
其黨失禿兒赤斤鐵木兒脫火赤章台等悉誅之並戮其子孫
已巳太白犯亢丙子犯氐加內史按答出太師知樞密院事以
速速爲御史中丞帝發北邊十一月己丑朔熒惑犯亢車駕次

中都修佛事于昆剛殿庚寅太白犯鈎鈴乙未犯東咸辛丑帝
 至大都壬寅熒惑犯氐丁未御大明殿受朝賀癸丑遣官詣曲
 阜以太牢祀孔子丁巳祭道甲五福神敕凡有罪自首者槩與
 原宥十二月己未詔雪楊朶兒只蕭拜住賀勝觀音保鎖咬兒
 哈的迷失李謙亨成珪王毅高昉張志弼普顏篤卜顏忽里等
 寃存者召用死者各贈官壬戌役夫萬三千五百人浚鎮江漕
 河及練湖戊辰追尊皇考晉王甘麻刺曰光聖仁孝皇帝廟號
 顯宗皇妣晉王妃曰宣懿淑聖皇后己巳辰星犯壘壁陣庚午
 盜入太廟竊仁宗及莊懿慈聖皇后黃金主自至大二年十二
月太廟主皆範金
 乙亥太常禮儀院言世祖以來太廟歲唯一享先帝始復古
 制一歲四祭帝曰祭祀國之大事朕何敢簡其禮命仍舉四祭
 從御史趙成慶言鐵木迭兒子鎖南及月魯禿哈速敦皆坐
 與逆謀伏誅辛巳熒惑犯東咸癸未流逆黨諸王月魯不花于
 雲南按梯不花于海南曲呂不花于奴兒干寺羅兀魯思不花
 于海島以諸王買奴自拔逆黨逃赴上都特封泰寧王命前太
 師拜忽商議軍國重事剌沙為左丞相敕嶺北省臣修佛事
 以却寇兵西僧祈禳大內以厭雷塑馬哈吃刺佛像于延春閣
 之徽清亭丁亥改元詔曰朕荷天鴻禧嗣大歷服側躬圖治夙
 夜祇畏惟祖訓是遵開歲甲子景運伊始思與天下更新稽諸
 典禮踰年改元可以明年為泰定元年免大都興和差稅三年
 八番思播兩廣洞寨差稅一年江淮朔科包銀三年四川雲南
 甘肅秋糧三分河南陝西遼陽絲鈔三分除虛增田稅免幹脫
 進錢賑恤雲南廣海八番等處戍軍求直言賜高年帛禁獻山
 場湖泊之利改吏員出身者秩許至四品是歲廣州新會民犯

續通志

卷八

三

泰定帝

長弟作亂雲南開南州大阿哀阿三木台龍買六千餘人寇哀
卜白鹽井車里于孟寇雲南西番寇鞏昌府各降詔招諭

泰定元年甲子春正月乙未重作仁宗及慈聖皇后金主成春
安太廟以乃馬台平章政事甲辰敕譯列聖制詔及大元通制

刊本賜百官戊申八番生蠻韋光正等及楊黃五種以二萬七
千戶來降置長官司撫之己酉召親王圖帖睦爾于瓊州阿木

哥于大同丙辰封解州鹽池神曰靈富公定怯薛歹歲給鈔人
八十錠二月丁巳朔作顯宗影室甲子作佛事用僧八百人及

倡優百戲導帝師游皇城庚午選守令推官舊制臺憲歲舉守
令推官二人有罪甲戊初開經筵命張珪王結吳澄鄧

文原充講官以帝範資治通鑑大學衍義貞觀政要等書進講
是月上大行皇帝尊諡問曰瑤圖繼緒神已御于鼎湖玉冊揚

休禮宜示于太室悼降年之不永儼立政以如新爰述徽猷用
傳信史欽惟大行皇帝文明天縱剛健日嚴辨奸邪于嗣位之

初彤庭祇畏廣儀注于熙朝之際清廟肅雝絕封敕以杜儉人
申憲章以勵多士罰茲無赦令必惟行君臨三載而有成知周

萬物而莫隱豈運逢艱否大命靡終然號謹追崇尊名是著謹
奉玉冊玉寶上尊號曰睿聖文孝皇帝廟號英宗伏惟炳靈有

赫歆格無違祔于新宮以妥以佑見元文類
袁楠撰三月丁亥朔立詹

事院以太傅朶台為太子詹事楊廷玉為中書參知政事也兒
吉尼知樞密院事給蒙古流民糧鈔遣還所部有擅徙者斬丙

午立八不罕弘吉刺氏為皇后以皇子阿速吉八為皇太子八
的麻赤兒間卜嗣封晉王夏四月庚申作昭聖皇后御容殿于

普慶寺按昭聖皇后文宗母也此時
未應追尊作殿史必有誤辛酉親王圖帖睦爾至自

潭州甲子車駕幸上都留諸王寬徹不花失刺平章烏伯都刺
右丞善僧等居守發兵民築渾河堤辛未月食既癸酉以禿滿
迭兒平章政事庚辰帝以風烈月食地震手詔至大都戒飭百
官曰比者災異屢見朕以憂天下爲心反躬自責謹守祖宗成
法修德慎行爾等宜各勤乃職以答天意并令廷臣集議時政
得失五月丁亥御史董鵬南等言平章乃馬台宣徽使帖木兒
不花詹事禿滿答兒皆黨附逆徒有虧臣節乞正其罪以消天
變不報帝諭省臣曰朕卽位以來無一人能執成法爲朕言者
知而不言則不忠且陷人于罪自今凡有所見宜悉以聞使朕
明知法度不敢妄自縱欲非獨朕身天下一切政務能守法以
行則衆皆安反是則天下罹于憂苦又曰凡事防之于小則
易救之于大則難爾其以朕言明告有衆俾知所慎壬辰省臣

以災異皆抗疏乞罷帝曰卿等皆辭去國家大事朕孰與圖優
詔慰留之戊戌遷列聖神主于太廟新殿太祖居中南向睿宗
祔左一室世祖祔右一室裕宗祔睿宗室之左顯宗順宗成宗
以兄弟次祔世祖室之右武宗仁宗以兄弟次祔裕宗室之左
英宗祔成宗室之右凡十室太常博士劉致建議曰周制天子
七廟三昭三穆昭處東穆處西所以別父子親疎之序不使亂
也聖朝取唐公廟定制爲九世遂以舊廟八室爲六世昭穆不分
父子並坐不合禮經新廟之制一十五間東西二間爲夾室太
祖室旣居中則唐宋之制不可依惟當以昭穆列之父爲昭子
爲穆則睿宗當居太祖之東爲昭之第一世世祖居西爲穆之
第一世裕宗居東爲昭之第二世兄弟共爲一世則成宗順宗
顯宗三室皆當居西爲穆之第二世武宗仁宗二室皆當居東

為昭之第三世昭之后居左穆之后居右西以左為上東以右為上如此則昭穆秩然不違禮經可為萬世法若仍累朝定制依室次于新廟遷安則顯宗躋順宗之上順宗躋成宗之上禮言之春秋閔公無子庶兄僖八代立其子文公遂躋僖于閔之上史稱逆祀及定公正其序書曰從祀先公然僖公猶是有位之君尚不可居故君之上况未嘗正位者乎雖國家以右為尊然古人所尚或左或右初無定制古人右社稷而左宗廟國家宗廟亦居東方豈有建宗廟之方位既依禮經而宗廟之制穆反不合禮經乎廷議是之見名臣奏議初建廟時太祖居成宗武宗仁宗並祀東室後議國朝建太廟遵古制古尚左尊者居右為少屈故改為昭穆之序但太宗定宗以世天下之君皆不獲廟享憲宗亦以不祀且不禰所受國之君而兄弟共為一世其因襲之弊如此丙午太白犯鬼侍御史高奎上書請求直言辨邪正明賞罰帝嘉其言賜銀幣丁未太白犯鬼積尸氣六月乙卯朔蒙化州土官高蘭神場寨主

羅九寇威楚路庚申張珪至上都奏在廷集議言逆黨未討奸惡未除忠憤未雪冤枉未理政令不信賞罰不公賦役不均財用不節請裁擇以回天變不報癸亥作禮拜寺于上都及大興路給鈔四萬錠丙寅廣西兩江土官黃勝許岑世典遣其子弟入貢各授沿邊溪洞軍民安撫使丁卯大幄殿成作鎮雷坐靜佛寺帝受佛戒于帝師庚午置海刺禿屯田總管府已卯詔疏決繫囚免天下和買雜役三年百官四品以下普單散官一等三品遞進一階遠仕瘴地身故不得歸葬者有司資給還鄉秋七月丙戌思州平茶楊大車酉陽冉世昌寇小石邪凱江等寨庚子命諸王伯顏帖木兒出鎮瀾連東部撒忒迷失率衛士佐太師按塔出行邊癸卯放廣闊採珠罽戶為民仍免差稅一年

丁未置長慶寺掌成宗幹耳朶諸事罷中瑞司汰東宮衛士朝先

止三千人近增至萬七千人命詹事院汰去仍舊制廣西慶遠徭潘父絹等率眾來冬

月乙卯敕刑獄復隸宗正府刑部勿與自皇慶元年以漢人刑名歸刑部今復置札魯

忽赤四十一員理之辛亥當作遣翰林學士承旨幹赤祀太祖太宗睿宗

御容于普慶寺初三帝御容在翰林院後屢遷置普慶寺至是帝自上都遣官齎香酒至大都致祭自是以為

常庚午作楠木殿棕殿及中宮金脊殿丁丑罷浚玉泉山河役

九月乙酉封也速不堅為荆王辛卯罷哈思的結曾思伴卜總

統所更置臨洮總管府乙巳順宗皇后忌日修佛事飯僧萬

改邕州為南寧路冬十月戊午立壽福總管府典累朝神御

祭祀庚申命左右丞相日直禁中有所則赴中書丙寅太白

斗巳巳入斗太陰犯填星庚午太白犯斗真州珠金沙河松江

府吳江州諸河淤備民丁浚之命有司兼知渠堰事通考云江

松江等處河道壅塞宜為疏濬仍立限以節水勢用夫四萬餘人以三月畢工由是吳松舊江二道烏泥涇大盈浦二河俱通

丁丑封親王圖帖睦爾為懷王以魯國大長公主女妻之壬午

癸惑犯壘壁陣道官分銓闕海兩廣四川雲南選十一月九文

巳亥以木溫台知樞密院事辛丑造金寶蓋飾以珍寶貯佛舍

利甲辰作歇山鹿頂樓于上都十二月癸丑朔雲南徭阿吾為

寇庚申同州地震癸亥鹽官州海溢有司請壘石為塘帝曰築

塘是重勞吾民也其增石固扞禦之丙寅敕修英宗顯宗實錄

定內外官行禮雨雪免朝服庚午癸惑犯外屏乙亥太白經天

曲赦重囚三十八人為三宮祈福是歲兩浙及江東諸郡水旱

壞田六萬四千三百餘頃大同渾源河真定滹沱河陝西渭水

黑水任縣沙澗洛水定州屯河渠州江水皆溢漂民居虜緝

山崩水溢壅土至來谷河成丘阜各蠲賑有差

二年乙丑春正月丙戌辰星犯天雞戊戌西番參十郎來降賜其長班木兒鈔帛辛丑命懷王圖帖睦爾出居建康壬寅太白犯建星戊申以乞刺失思八班藏十爲吐番路宣慰使都元帥往鎮參十郎之地庚戌帝諭宰臣曰向者卓兒罕察苦魯及山後皆地震內郡大小民饑朕惟太祖開創之艱世祖混一之盛期與人民共享安樂常懷祇懼災沴之至莫測其由豈朕思慮有所不及而事或僭差天故以此示儆其與諸司集便民之事定議以閏閏月壬子朔大赦天下除江淮朔科包銀免被災地方差稅一年罷不急工役置惠遠倉永需庫于海刺禿總管罷永興銀場聽民間採輸稅已卯山東廉訪使許師敬請頒疾葬制禁用陰陽相地邪說修滹沱河堤及野狐色澤桑乾三嶺道二月丙戌頒道經于名山宮觀命道士祭五福太乙神丁亥平伐苗部長的孃率戶十萬來降庚寅熒惑辰星填星聚于畢廣西徭蠻潘寶陷柳城己亥封阿里迷失爲和國公張珪爲蔡國公以善僧平章政事庚子以黃河屢決立行都水監于汴水命瀕河有司兼知河防事丙午造玉御床及象輦咸平府清寇河合流失故道壞堤堰役蒙古軍及民丁數萬修築夏四月癸巳敕宿衛馬馳歸官廐毋散牧民間丁未封后父火里兀察兒爲威靖王戊申以許師敬爲中書左丞馮亨參知政事五月壬子車里陶刺孟及大阿哀蠻兵乘象寇陷朶刺等十四寨木邦路蠻八廟率熒熒寇陷倒八漢寨督邊將嚴設備癸丑龍牙門蠻遣使來貢辛未罷京師官鬻鹽攻河間鹽運司爲大都河間等路都轉運鹽司癸酉融州否泉洞吉龍洞峒村山黑言盜爲寇丙子以國用不足敕減廐馬汰衛士罷營繕節諸王歲

賜停書金字藏經置諫議書院于昌平祀唐進士劉蕡河決大
梁六月己卯朔皇子生命巫被除內宮丙戌填星犯井鉞星尋
州平南縣獠作亂達魯花赤都堅都監姚泰亨死之丙申中書
參政左塔不台言大臣兼領軍務前古所無鐵失以御史大夫
也先帖木兒以知樞密院事皆領衛兵如虎而翼故成逆謀今
軍衛之職勿令大臣兼領庶勳舊之家得以保全帝嘉其直賜
幣鈔丙午填星犯井丁未敕營造毋役五衛軍雲南阿只弄袁
培蠻兵寇開南州白彝寇雲龍州秋七月戊申朔大小車里蠻
獻馴象甲寅鎮康路上官你囊謀粘路上官賽丘羅來降左丞
許師敬編類帝訓成更名皇圖大訓命于經筵進講以師敬充
經筵官己未置車里軍民總管府以土人寒賽爲總管癸亥遣
湖廣左丞乞住等將兵討廣西叛徭特命諸王幹耳朵罕監其
軍海北徭長盤吉祥寇陽春庚午思州洞蠻楊銀十等來獻方
物封駙馬孛羅帖木兒知樞密院事火沙並爲郡壬申加朶
台太傅禿忽魯太保日至禁中集議國事敕山東州縣收養流
民遺嬰八月戊子修上都香殿癸巳歲星犯天罇辛丑敕諸王
私入京者勿供億諸部曲宿衛私入京者加罪命度支監汰阿
塢赤所掌駝馬九月戊申朔分天下爲十八道遣使宣撫詔曰
朕祇承洪業夙夜惟寅凡所以圖治者悉遵祖宗成憲曩者屢
詔中外百司宣布德澤蠲賦詳刑賑恤貧民思與黎元共享有
生之樂尚慮有司未體朕意庶政或闕惠澤未周承宣者失于
撫綏司憲者怠于糾察俾吾民重困朕甚憫焉今遣奉使宣撫
分行諸道按問官吏不法詢民疾苦審理寃滯凡可以興利除
害者從宜舉行四品以上有罪停職申請五品以下就便斷決

其有政績尤異暨晦跡丘園才堪輔治者具以名聞命馬合某
李處恭之兩浙江東道朶列禿齊履謙之江西福建道報水白
蒙弼之江南湖廣道李家奴朱蕢之河南江北道阿吉刺曹立
之燕南山東道別帖木兒韓讓之河東陝西道納哈出董訥之
山北遼東道衆家奴韓庭茂之雲南省寒食劉文之甘肅省禿
里帖木兒廉惇之四川省帖木兒不花吳秉道之京畿道巴酉
敕有司治義倉募富民入粟拜官以備賑二千石從七品千石
正八品五百石從八
品三百石正九品
不願仕者旌其門諸王幹節遣使貢金浮屠甲寅禁饑民結廡
擔社傷人者滿杖丁丑浚河開陳玉帶河冬十月戊寅朔廣西
岑世典復叛結八番蠻寇上林等州壬辰熒惑犯氐癸巳填星
退犯井丁酉廣西猺蠻何童降請防邊自効十一月元文戊申
周王和世疎遣使獻豹改長寧軍爲州丁巳幸大承華普慶寺
祀順宗昭獻元聖皇后于影堂戊午填星退犯井及鉞尾庚申
廣西宣慰使獲猺賊潘寶下之獄其弟潘見復寇柳州壬戌定
軍民官廕襲者由本貫圖宗文申請鈐授加剌沙錄軍國重
事丁卯罷蒙山銀冶提舉司壬申諸王幹耳朶罕以追捕廣西
猺寇上聞帝曰朕自卽位累詔天下憫恤黎元惟廣猺屢叛被
掠良民故命爾等往討今聞迎降者衆宜更以恩撫之若果不
悛嚴兵追捕勿縱十二月戊寅命塔失帖木兒爲右丞相錄軍
國重事封薊國公乙酉熒惑犯天江辰星犯建星甲午太白犯
壘壁陣詔山東陝西湖廣地接戎獫選宗室重臣往鎮京師多
盜增置邏防官兵立捕盜賞格壬寅右丞趙簡請行區田法于
內地以宋董燭所編救荒活民書頒州縣是歲保定路饑賑鈔
四萬錠糧萬五千石雄州水溢被災萬二千六百戶死者給鈔

以葬內郡饑賑鈔十萬錠米五萬石通考云是歲海運江南糧一百七十萬石至京師時

廷議海漕事康里回回以廩積方饒奏減糧數以舒東南民力帝可其奏

三年丙寅春正月丙午朔高麗國王王章遣使賀正旦自世祖至元二

十一年正旦高麗使者不會至是復至然其後亦不數見云播州蠻長黎平慶等來降于子

徵前翰林學士吳澄不起置都水庸田司于松江掌江南河渠

水利已未以山東湖廣官田賜民耕人各三頃仍給牛具辛酉

太白犯外屏二月壬午廣西全茗州土官許文傑作亂知州

德卿死之以乃馬台知樞密院事丁亥罷征徭兵召幹耳朵

還本鎮戍兵如故丙申建顯宗神御殿于盧師寺賜額大天

延聖寺戊戌史訛甲戌建殊祥寺于五臺山賜田三百頃庚子以窮

乃平章政事甲辰立典醫署隸詹事院三月乙巳朔帝以不雨

自責命審釋重囚遣使分祀嶽瀆及京城寺觀丙午填星犯井

及鉞星癸丑八番巖霞洞蠻來降歲輸布二千五百匹丁巳遣

諸王失刺鎮北邊甲子命功德司簡歲修佛事一百三十七戊

辰癸惑犯壘壁陣填星犯井庚午填星太白歲星聚于井辛未

泉州民阮鳳子作亂寇陷城邑軍民官失討坐罪夏四月丙戌

鎮安路土官岑修廣為弟修仁所攻來告命湖廣行省撫治之

戊戌太白犯鬼壬寅癸惑犯壘壁陣夔路米洞蠻田先什用等

結十二洞蠻為寇湖廣行省遣九姓長官招降之修夏津武河

堤役夫萬七千五百人五月甲辰朔史訛甲戌修鎮雷佛事三十一

所乙巳罷福建歲供蔗餉廣西岑世興及鎮安路岑修文合山

獠角蠻入寇命湖廣雲南兩省招諭之遣指揮使兀都蠻鐫西

番呪語于居庸關崖石庚午湖廣永明縣五洞河西加木籠四

部來降各立其土官領之六月癸酉朔播州蠻黎平愛謝烏窮

為寇宣撫使楊燕里不花招平愛出降烏窮不附命湖廣行省
 討之巳亥納皂姊壽寧公主女撒答八刺于中宮秋七月甲辰
 造參豹鹽車三十乘丁未酉陽寨土官冉世昌寧遠州洞蠻才
 用並入寇壬子修黑牙蠻答哥佛事于水晶殿皇后受戒殿中
 鑄五方佛銅象戊午赦入粟拜官者准致仕銓格戊辰太白經
 天河決陽武漂民居萬六千五百餘家詔瘞京城外棄骸八月
 戊寅以星變罷獵下詔恤民通考云詔宮中買寶貨命省臣
 累朝呈獻例給價毋得勒減稽遲
 以病甲午罷行宣政院及功德司丁酉太白犯軒轅御女辛子
 作天妃宮于海津鎮自世祖末年每海漕至先
 遣官祀天妃累朝無虛歲鹽官州海溢增
 隄三十餘里遣使祭海神大都昌平大風壞民居九百家九月
 辛亥命帝師修灑淨佛事于大明興聖隆福三宮癸亥太白犯
 太微垣右執法戊辰湖廣雲南各寨土官奉方物來獻即其地
 置木朶路木來州孟隆路哀培各甸並給印冬十月辛未朔發

卒四千人治通州道辛巳太白犯進賢癸未史訛
 作西河水溢汴梁

壞樂利堤役丁夫六萬四千人築之賜大天源延聖寺吉安臨

江二路田千頃省臣言養給軍民必藉地利世祖建大宣文曠

教等寺賜永業當時已號虛費成宗復構天壽萬寧寺較前冊

增倍半若武宗之崇恩福元仁宗之承華普慶租權所入益矣

甚焉英宗鑿山開寺損兵傷農而卒無益夫土地祖宗所有子

孫當共惜之臣恐茲後藉為口實妄興工作微福利以逞私欲

帝嘉其言終不能用十一月庚子命翰林集世祖嘉言善行為

聖訓以時省覽兼備經筵進講癸卯赦西僧每當元辰疏釋重

囚仍聽宗正府審奪辛亥追復前平章政事李孟官乙卯太白

犯鍵閉辛酉廣西透江團徭及扶靈青溪櫟頭等原蠻並為寇

播州蠻宋王保來降徙上都清寧殿于伯葉兒行宮十二月元無壬午御史賈屋請祔武宗皇后于太廟不報皇后列傳稱泰定四年用而紀稱是年請帝欲于來年元夕構燈山于內廷御史趙師魯諫送罷其事丙戌聽陰陽家言發鈔三千錠施僧道及乞人繫囚以禳天變丁亥寧夏地震者四庚寅召江浙右丞趙簡為集賢大學士領經筵事己亥亳州河溢大寧路水漂民居各八百餘家扶靈洞蠻劉季等來降是歲海運米至京師者三百三十五萬一千餘石賑饑民米計一百二十餘萬石給鈔半之終元之世為最多

四年丁卯春正月乙巳御史臺請親祀郊廟帝曰朕遵世祖遺制其命大臣攝祀己酉太白犯牛壬子以中政院金銀鐵冶歸中書命靖安王濶不花出鎮陝西諸王火沙阿榮答里皇子充

丹藏上泰定帝三子

先後鎮北邊丁卯浚會通河築澗州護倉堤役

夫三萬人二月辛卯白虹貫日三月辛丑遣使江南求奇花異果癸卯和寧路地震丙午潮州路判官錢珍挑推官梁楫妻劉氏不從誣楫下獄殺之事覺珍自殺詔戮尸傳首辛酉命前太師伯忽預議大事食其俸終身召翰林學士承旨張珪集賢大學士廉恂太子賓客王毅悉復舊職敬儼為集賢大學士並商議中書省事給累朝售寶價鈔十萬二千錠渾河決發軍民萬人塞之丁卯熒惑犯井以阿散火者知樞密院事夏四月辛未盜竊武宗金主及祭器以典守不嚴罷太常院官癸未鹽官州海溢命都水少監張仲仁發工匠二萬餘人塞之不止癸巳高州徭寇電白縣千戶張恒戰死賜祠曰旌義甲午奉安武宗親主以阿昔兒為御史大夫五月乙巳命天帥張嗣成修醮鹽官

州祀海發義倉粟賑其民丁卯罷諸王分地州縣長官世襲俾
如常調官以三載為考元江路土官普山一作普雙坐賊免遂結蠻

兵作亂救復其舊職德慶路徭來降歸所掠男女悉給其親六
月辛未命翰林譚資治通鑑以進丁丑以災異罷兩都土木減

諸郡繫囚乙未紹慶路四洞蠻阿者降命為蠻彝長官秋七月
丁酉元江普山復叛己亥內郡江南旱蝗薦至丞相以下並乞

解職有旨無多辭朕當自儆卿等亦宜各欽厥職建橫渠書院
于郿縣祀宋儒張載甲辰播州謝烏窮來獻方物丁未敕經筵

講讀官非有代不得去職甲寅市旄牛于西域丙寅塞保安真
渠役民丁六千人八月戊辰罷奉元路探捕珍禽異獸淳沱河

溢發丁浚治河以殺其勢湖廣苗蠻祭伯秧寇李陀寨乙酉作
大明殿成癸巳謚武宗皇后曰宣慈惠聖后傳是年十一月册

英宗皇后曰莊靜懿聖升祔太廟發衛軍八千人修白浮

瓮山河堤鳳翔興元成都峽州江陵同日地震九月丙申朔日
食敕國子監仍舊制歲貢生員業成者六人禁僧道買民田壬

子太白犯房甲子定職官職汚者流之廣海閏月己巳太白經
天壬申以災變赦天下仍祀天地享太廟致祭嶽瀆諸神冬十

月己酉復以趙世延為中書右丞王士熙參知政事傅巖起為
吏部尚書御史韓鏞言尚書三品秩巖起由吏累官四品於法

不得升遂止戊午辰星犯東咸壬戌命太常纂修累朝禮儀開
南土官阿只弄復率蠻兵為寇十一月庚午授思州土官田仁

為宣慰使播州謝烏窮為蠻彝長官雲南蒲蠻來附即其地道
順寧府癸酉太白犯壘壁陣乙亥熒惑犯天江辛卯陽曲縣地

震十二月庚子定捕盜格限內不獲者償其贓己未歲星退犯

太微西垣上將是歲發米二十四萬九千石賑大都饑三十萬石散京師流民通考云時有大星隕于獲嘉縣之墟初出為黑石土有點如星擊之鏘然人不言舉之則動言則弗動土人以為怪積薪焚之雷雨交作乃止

致和元年戊辰春正月乙亥諭百司凡不赴任及擅離職者奪其官避差遣者笞之丁丑命繪蠶麥圖頒農桑舊制十四條于天下已卯帝將畋柳林御史王獻等以歲饑諫帝曰其禁衛士毋擾民家命御史二人沿途巡察戊子罷河南鐵冶提舉司免

陝西撈鹽罷益都諸縣食鹽二月庚申詔改元致和免河南實田糧被災州郡差稅一年流民復業者差稅三年疑獄繫

歲不決者省釋壬戌太白晝見三月庚午雲南安隆寨土官世忠與元世興相攻籍其民三萬二千戶來降升其寨為州以

世興知州事

世興攷云宋皇祐間餘姚人岑仲淑從狄青平儂智高雷鎮邕州自亭襲為沿邊安撫使來安路

都總管後遷入裔利跨有祥柯廣西雲南皆分疆土故岑氏之族為最大

壬申立萬戶府一領征西

紅胖襖軍甲戌雅濟國遣使來貢已卯帝御典聖殿受無量壽佛戒甲申遣戶部尚書李家奴往鹽官祀海神命帝師造浮屠

二百一十六以鎮海已丑雲南土官撒加布降以其地隸羅羅

宣慰司徒懷王圖帖睦爾于江陵夏四月丙申欽州徭黃焱等為寇已亥禁蒙古色目人倣漢法守制違者除名甲寅封唐柳

州刺史柳宗元曰文惠昭靈公五月甲子遣官分護流民還鄉仍禁聚至千人者杖一百丙寅廣西普寧縣僧陳慶安作亂建

國改元已巳大理怒江甸土官阿哀你寇樂辰諸寨庚辰有流星大如缶其光燭地戊子以塔失帖木兒平章政事秋七月辛

酉朔寧夏地震庚午帝崩于上都壽三十六葬起輦谷終元之世不為帝立廟上諡止稱泰定帝

王禕曰武宗約繼世子孫兄弟相及而仁宗不守宿諾傳

續通志

卷八

明宗

綱目傳金
位英宗仍使武宗二子出居于外及英宗遇弒而明宗在北文
宗在南晉王于世祖為嫡孫于次為長則求所當立者舍晉王
將誰屬耶舊傳英宗之弒晉邸與聞乎故考
之實錄皆不得其實傳聞之謬豈可信哉

冊曰長子世嫡嗣統允宜武仁先立澤永人思忽焉不世
電滅雲移或曰南坡其變與知故史具在其又誰欺

明宗皇帝諱和世疎武宗長子也母妃亦乞烈氏武宗生二子
長即帝次圖帖睦爾即文宗成宗大德三年命武宗撫軍北邊以

四年十一月壬子生帝成宗無子武宗入承大統立弟仁宗為
皇太子約以次傳于帝仁宗得立延祐中按仁宗紀延祐二年

周王三年三月送周王之雲南而此及文宗紀皆云
延祐三年封周王年數互異故前收延祐中以藥之議建東宮
時丞相鐵木迭兒欲固位取寵乃議立英宗為皇太子又與太

后幸臣識烈門日譖帝于兩宮于是封帝為周王出鎮雲南置
常侍府官屬以禿忽魯尚家奴孛羅教化等為常侍遣就鎮帝

至延安時武宗舊臣釐日沙不丁哈八兒禿等來會潛與教化
謀曰天下者我武皇之天下王之出鎮本非上意由讒構致然

請以其故白行省俾聞之朝廷庶可杜塞離間遂與數騎馳去
先是阿思罕為太師鐵木迭兒奪其位出為陝西行省丞相及

教化等至即與平章塔察兒行臺御史大夫脫里伯中丞脫歡
悉發關中兵分道自潼關河中府入已而塔察兒脫歡中變襲

殺阿思罕教化于河中帝乃西行至北邊金山西北諸王察阿
台等咸率眾來附帝至其部與定約每歲冬居札顏夏居幹羅

幹察山春則命從者耕于野泥十餘年間邊境寧謐仁宗崩英
宗嗣立以帝遠居西北不足忌而鐵失等復構帝弟圖帖睦爾

徙之瓊州英宗遇弒晉王以大宗入繼泰定元年改封圖帖睦爾
爾為懷王命居建康致和元年三月徙居江陵泰定帝崩于上

都時僉樞密院事燕鐵木兒者武宗舊臣也方留守京師乃召百官集興聖宮倡言曰武皇有聖子二人大統所在當迎立不從者斬之乃縛平章烏伯都刺等十人下之獄迎帝弟懷王于江陵遣弟撒敦守居庸關子唐其勢守古北口以拒上都兵懷王入京師群臣請正大統九月壬申懷王卽位于大都改元天曆時泰定帝子阿速吉八年甫九歲在上都丞相倒刺沙立之爲帝改元天順遣兵分道攻大都燕帖木兒帥師與戰上都兵屢北十月齊王月魯帖木兒舉兵應懷王圍上都倒刺沙出降兩都道路始通常是時懷王已卽位稱帝號令天下非若仁宗之于武宗虛位以待其來者顧以帝居長恐不厭人望于是遣撒迪等相繼來迎帝遂發北邊舊臣尚家奴孛羅哈八兒秃從至金山嶺北武寧王徹徹秃僉樞密事帖木兒不花相繼至乃

命孛羅如京師孛羅有民聞帝使者至驪呼載道曰吾天子果自北來矣諸王舊臣爭先迎謁所至成聚天曆二年正月乙酉撒迪等至入見帝于行帳陳懷王固讓意丙戌帝卽位于和寧之北扈行諸王大臣咸入賀乃遣撒迪還京師命之曰朕弟曩好書史邇者得無廢乎聽政之暇宜親賢士大夫講論史籍可知古今治亂得失汝往當以朕意諭之二月壬辰宣靖王買奴自京師來覲辛丑追尊皇妣亦乞烈氏曰仁獻章聖皇后三月戊午朔懷王遣燕鐵木兒奉皇帝寶來上御史中丞八卽刺知樞密院事秃兒哈等各率其屬以從四月癸巳燕鐵木兒見帝于行在率百官上皇帝寶帝嘉其勳拜太師右丞相如故復諭曰凡京師百官朕弟所用者並仍舊職燕鐵木兒奏國家大事所繫者中書省樞密院御史臺宜擇人居之帝然其言乃以武宗

舊臣哈八兒禿平章政事伯帖木兒知樞密院事孛羅爲御史大夫甲午立行樞密院命知樞密院火沙領行院事賽帖木兒買奴並同知行院事是日帝宴諸王大臣于行殿諭臺臣曰太祖有訓美色名馬人皆悅之然方寸一有繫累卽能敗名喪德卿等職居風紀亦嘗念及此乎天下國家譬猶一人之身中書其右手也樞密其左手也左右手有病治之以良醫省院闕矣不以御史臺治之可乎凡諸王百司違法越禮一聽舉劾風紀重則貪墨懼猶斧斤重則入木深其勢然也朕有闕失卿等亦當直言毋諱又命孛羅等宣諭群臣曰世祖皇帝立省院臺及百司庶府共治天下大小職掌已有定制復命廷臣集律令章程以爲萬世法列聖相承罔不恪遵成憲朕今居世祖所居之位凡省院臺百司政詢謀僉同翻譯所奏以告于朕軍機重

務樞密院當卽奉勅毋以夙夜爲間故爲稽留其他事果有所言必先中書院臺其下百司警御之臣毋得隔越陳請違者罰毋赦丁酉以鐵木兒脫爲上都留守懷王立都督府及奎章閣學士院于京師以除目來上帝從之癸卯遣使如京師十日命左丞相鐵木兒補化攝卽位于郊廟社稷立圖帖睦爾爲皇太子仍設詹事院以徹里鐵木兒平章政事淵兒吉思爲中書右丞甲辰加官吏送寶者秩一等從者賚以幣帛乙巳監察御史劾嶺北平章塔卽吉素非勳舊年已七十牝昏殊甚左丞馬謀本晉邸部民郎中羅里禿魯忽皆晉邸衛卒不諳政務帝如其言罷黜之仍諭自今所當言者毋有所憚五月丁巳朔封帖木兒爲保德郡王庚申賜扈蹕宿衛士鈔帛癸亥命有司新武宗幄殿車輿庚午命燕鐵木兒升用嶺北行省官吏選用潛邸

舊臣御史大夫孛羅中政使尚家奴加特進典四宿衛士壬申封亦憐真八為柳城郡王以八即刺為西臺御史大夫家奴為中丞乙亥求皇太子故寶不知所在乃命更鑄丁丑皇太子發京師諸王駙馬及扈衛百官悉從行載乘輿服御送行在六月丁亥朔左丞相鐵木兒補化等以帝即位攝告于宗廟社稷辛亥詔諭中書省凡國家錢穀銓選諸大政先啟皇太子然後奏聞癸丑丞相鐵木兒補化以久旱乞免帝曰修德應天乃君臣當為之事朕未嘗斯忘也皇太子來會當與共圖澤民利物者行之七月丙辰朔日食丙子授皇太子金寶壬午遣使詣京師敕平章哈八兒禿同翰林國史院官致祭太祖太宗睿三朝御容發諸衛軍完京城八月乙酉朔次旺忽察都之地丙戌皇太子入見是日宴皇太子及諸王大臣于行殿庚寅帝暴

崩年三十從

上帝尊諡曰翼獻景孝皇帝廟號明宗文宗紀作十國語曰

都篤皇帝至順元年三月壬申禱于太廟後至元六年十月加

上尊號為順天立道睿文智武大聖孝皇帝

冊曰艱難備嘗人所屬何嫌何疑推屏置腹人心不同天命反覆論定千秋此直彼曲

